

Lolmav

Gevq-a nail gaq

Haoqgavq niil keiv iqmoeq ilmoeq bhai, Gaqkhoel Paolluv aivq-i mail gevq-a nail ngaol dai, gevq-ai thaq nail ngaol. Milnee uqnee khe Khali yaq juq iqsanl, Paolluv-i mail gevq-a nail ngaol dai, noeq nail ngaol. Al ovqtavq, neema thaqtsaol nail ganl juq khi mail daoq yuq nail iqsanl, aivq-i mail yaoq dao yaoq bhai yuq-ai thaq nail khe-ai, dul lai nail ngaol.

Paolluv dai ge nail neq, Lolmav nail aqmil ngaol. Daoqceevq neq, Laiqyaq Maolyaq dai ge movq nail ngaol. Heiqbhail nail aqmil neq, Saolluv dai khul nail ngaol. Daoqceevq neq, Khoel nail dai ge movq nail ngaol. Iqmoeq-u phao neq, Saolluv dai yuq khi haoqnao phao neq, Paolluv dai taivq-ail yuq-a nail ngaol.

Gevq-a nail aqyanq khi aqduq

Gevq-a nail aqyanq neq, A.D. 57 kovq niidai bhai gevq-a nail ngaol. Paolluv milkhaoq doi dai, geeqlaoq daoq cavq cavq-ail tsao nail hail pov teevq pov tsao gaq-u phao, Gaolliqthu meenq bhai bhala hail heeq dai jaol-u phao, gevq-a nail ngaol dai, noeq nail ngaol. Yanq al yanq bhai, Yeiqlulsaqlaiq meenq bhai moevq nail sivq nail pha q kev lee-a nail ngel-i mail, Paolluv yaoq dao yaoq jaol nail Khali yaq juq-i mail, Yeiqlulsaqlaiq meenq bhai jaol nail Khali yaq juq bhai tsaojao-ai bhiq nail dai khi, bivq-a nail phul oil khi lai thailthaiq nail ngaol.

Khaq sil gaq bhai gevq bhiq-a nail

Haoqgavq niil keiv, Lolmav meenq khe Khali yaq munl bhai gevq bhiq-a nail ngaol. Aqyanq al yang nail lavqkhoel, Lolmav meenq bhai Khali yaq maodai maq jaol-ai haq-al. Al ovqtavq, Paolluv Lolmav meenq bhai maq ail kev daiq haq-al. Lolmav haoqgavq gevq gaq khi pultavq, ail kev-a nail ngaol.

Khul bhai noeqthunq khi gevq-a nail

Lolmav meenq bhai neq, Khali yaq maodai maq jaol nail nee ovqtavq, gaqkhoel juq iqsanl, maq lai kev-al. Alheel ngel-i mail, Khali yaq juq-i mail neema thaqtsaol nail pha q bhai bhi ivq khi, hevqkovq nail pha q bhai maldil khalhai ya nail ganl bhi heeq nia nail haqbhoil gevq-a nail pha q pevq nail ngaol. Paolluv Lolmav meenq bhai jaol nail Khali yaq juq bhai aivq lee naol dai, bhi heeq nia nail haqbhoil iqsanl, gevq-a nail ngaol.

Iqmoeq ilmoeq khe daoq

¹ Ngal neq, Yeiqsul Khali nail yaqkav Paolluv ngaol. Miqyail nail lavqkhiq tsail nail geeqlaoq daoq bhi cavq nail haqbhoil, Miqyail ngaq bhai tsel dov khi khul lavq-a nail gaqkhoel teevq gaq pevq nail ngaol. ² Lavqkhiq tsail nail geeqlaoq daoq niil neq, “Ngal yaqhao bivq naol” dai, aq-u nee Miqyail-i mail ge-ai tha q nail ngaol. Aivq nail haqbhoil gedan nail juq bhai juq khi, meeq nail haol nail Jalliq bhai gevq-ai tha q nail ngaol. ³ Lavqkhiq tsail nail geeqlaoq daoq al daoq neq, aivq nail Yaqyov nail ganl ngaol. Yaqyov al gaq, aqsivq haqjoil phao nee ge haq neq, Daqbhil nail

jeq-e jaq-a nee doevq lee-a nail ngaol. ⁴ Meeqnail Haolnail Aqhaqlal phao nee ge haq neq, Miqyail nail Yaqyov ngaol. Miqyail aivq bhai gaoq bhi doevq kovq lal-u phao, “Aivq neq, ngaq nail Yaqyov ngaol” dai, bhaqaoq eeq nail lavqkhoel nee phaodaiq lavq-a nail ngaol. Yaqyov al gaq neq, ngadao nail Heeqphaq Yeiqsul Khali ngaol. ⁵ Yeiqsul bhaqda nee, Miqyail nail geeqlaoq eeljaol maqkhaiq, gaqkhoel ya jiovq dai maqkhaiq, nvjuq ya-a nail ngaol. Nvjuq ganl niil nl nail neq, jeq-e jaq-a iqsanl mail neema thaqtsaol lal khi, daoq naldaiq lal dai, Khali nail haqbhoil nl nail ngaol. ⁶ Nuljuq iqsanl, Yeiqsul Khali-i mail khul-a nail tsaol-aq al juq nail lavqkhoel bhai aol nail ngaol.

⁷ Miqyail mailma-ail gaiq-a khi aivq nail tsaol-aq pevq lal dai, aivq-i mail khul-a nail Lolmav meenq bhai jaol nail nuljuq iqsanl bhai, ngal haoqgavq gevq bhoel-ai leevq-a nail ngaol. Ngadao nail Aqbhu Miqyail khi mail Heeqphaq Yeiqsul Khali nail geeqlaoq eeljaol khi neesal-ovq nail pha q nuljuq nail kovtavq bhai jia v dei-eiq.

Paolluv Lolmav meenq bhai lai movq-ai bhiq nail ganl

⁸ Iqmoeq khe pha q neq, nuljuq neema thaqtsaol nail ganl milkhaoq yaoq khaoq yaoq-ao nee gaiq doi ail-a nail ngel-i mail, ngal nuljuq iqsanl nail haqbhoil Yeiqsul Khali bhai juq juq-ail khi ngaq nail Miqyail bhai tsiqeeq nail ngaol. ⁹ Ngal neq, neema lavqkhoel bhai kev dai, Miqyail nail ganl nl khi, aivq nail Yaqyov nail ganl lavqkhiq tsail nail geeqlaoq daoq cavq nail ngaol. Al

ovqtavq, ngal nuljuq nail haqbhoil khaq mao iqsanl noeq kev khi geeqlaoq hal nail bhai, Miqyail heeq nia nail ngaol. ¹⁰ Ngal geeqlaoq khal hal-u phao, nuljuq jaol nail bha lavqtsail mail lal kivq dai, naol neema tsaq haq neq, gailkhaol teevq khaol lav daol lavq yaoq dai iqsanl, Miqyail bhai hal nail ngaol.

¹¹ Ngal nuljuq bhai moel movq deedee-ail nial. Ya moel haq neq, nuljuq neema ivq lal dai, aqhaqlal phao khe kovpavq teevq phaqa ganav nuljuq bhai bivq movq-ail nial. ¹² Ngal niailhai ge nail neq, ngal neema thaqtsaol nail ngel-i mail, nuljuq gaq kav lal nail nee ovqtavq, nuljuq neema thaqtsaol nail ngel-i mail, ngal iqsanl gaq kav lal dai, oil movq-ail nial. ¹³ Aqivq jaqbheq juq ol, ngal nuljuq bhai niailhai bhi heeq kivq movq-ail nial. Yu nail jeq-e jaq-a nail haqbhoil ngal ganl nl-u phao, aqheeq heeq dol leevq-a nail khe-ai, nuljuq nail lavqkhoel bhai iqsanl aqheeq heeq dol leevq dai, nuljuq jaol nail bha lal naol dai, ngal mee nia pov noeqceiv-a nail ngaol. Thailhai ngaol-aq, niil aq-il kev dai, lav tsoiq nail phaqa jiav nail ngaol.

¹⁴ Heiqlaqsal tsaol-aq bhai maqkhaiq, yu nail jeq-e jaq-a bhai maqkhaiq, neenoeq neekha aol nail tsaol-aq bhai maqkhaiq, neenoeq neekha maq aol nail tsaol-aq bhai maqkhaiq, jeq-e jaq-a niidai nail haqbhoil ganl nl bhiq heeq phaqa-ail, ngaq nail kovtavq bhai gailjiov bavq nail khe-ai, dul nail ngaol. ¹⁵ Alheel ngel-i mail, nuljuq Lolmav meenq bhai jaol nail juq bhai iqsanl, ngal lavqkhiq tsail nail geeqlaoq daoq cavq bhiq movq deedee-ail nial.

*Lavqkhiq tsail nail geeqlaoq daoq neq,
bhaqaoq aol nail ngaol*

¹⁶ Ngal lavqkhiq tsail nail geeqlaoq daoq cavq nail maq haqsil. Khul khi mail dai ngal-aq neq, neema thaqtsaol nail tsaol-aq, yaoq gaq yaoq-ao nee hevqkovq nail pha q ya dai, lavqkhiq tsail nail geeqlaoq daoq al daoq neq, Miqyail nail bhaqaoq pevq nail ngaol. Iqmoeq Yuldav nail tsaol-aq bhai hevqkovq khi haoqnao yu nail jeq-e jaq-a bhai hevqkovq nail ngaol. ¹⁷ Lavqkhiq tsail nail geeqlaoq al daoq nail lavqkhoel Miqyail nail tsaq nail daol nail pha q, bhaqlaoq kheq dai, dov lal-a nail ngaol. Tsaol-aq teevq gaq neema thaqtsaol nail ngel-i mail, Miqyail aivq bhai tsaq nail daol nail al pha q bhi moel-a nail ngaol. Jalli q lavqkhoel bhai gevq-ai tha q nail khe-ai, “Tsaq nail daol nail tsaol-aq neema thaqtsaol nail bhaqda nee, aqdoevq ya doevq nail ngaol” dai, gevq-ai tha q nail ngaol.

Tsaol-aq iqsanl mail oeqbal yaq ngaol

¹⁸ Tsaol-aq yaq-i mail Miqyail bhai neema maq thaqtsaol dai, maq tsaq maq daol nail pha q khal nl-a nail kovtavq bhai, Miqyail neema phail nail pha q nqtavq nee mail bhaqlaoq kheq dai, dov lee nail ngaol. Tsaol-aq al juq neq, maq tsaq maq daol nail pha q nl khi, maldil tsaq nail pha q bhai yu maq bhi moel nia dai, lav tsoiq-ai tha q nail ngaol. ¹⁹ Aqyu juq Miqyail nail ganl

heeq nia heeq pha-q-ail tsaq nail pha-q bhai, ya heeq ya moel-a nail ngaol. Khul khi mail dai ngal-aq neq, Miqyail-i mail bhaqlaoq kheq dai, phaodaiq bhiq-a nail ngaol. Thailhai ngaol-aq, aqyu juq neema maq thaqtsaol-ail. ²⁰ Miqyail nq teivq mil teivq teivq-u n-gaol nee mail, aivq nail lavqkhoel khe aol nail maq heldaiq moel nia nail pha-q maqkhaiq, nqmaq maqluv halyeel bhaqaoq eeq nail pha-q maqkhaiq, aivq nqmaq maqluv halyeel ivq nail Miqyail pevq nail ganl maqkhaiq, bhaqlaoq kheq dai, heeq duq moel duq lal-a nail ngaol. Aivq-i mail nl-ai thaq nail ganl bhai heldaiq khi alhai heeq lal nail ngaol. Alheel ngel-i mail, "Nvjuq maq heeq kivq-ail" dai, aqyu juq maq jil nia-ail.

²¹ Tsaol-aq al juq neq, Miqyail bhai heeq nia khi ngaol-aq, aivq bhai tsiqeeq tsiqheel nail geel-nvq nail khe-ai, maq tsiqeeq maq tsiqheel-ail. Al ovqtavq, aivq bhai maq ev-ail. Aqyu juq-i mail khal noeq nail pha-q neq, khul teevq pha-q-ail ganl maq tsoiq dai, pevq-ail khi aqyu juq nail neema iqsanl, navtsee dai pevq ail-a nail ngaol. ²² Ngal neenoeq neekha aol naol dai, yovqgavq bhai yovqgavq ge khi ngaol-aq, aqyu juq neq, yaqjaoq khaqlal miqthoi juq pevq lal-a nail ngaol. ²³ Teevq thal-iq maq sil nail Miqyail nail seiqlaiq khaogsail bhai, aqyu juq maq hav bhoel-al. Sil nia nail tsaol-aq nail maolkhoel, keivq-avq, liq khil liq lavq covq nail jaiqyaq khi mail, soiq soiq-ail tsao nail jaiqyaq juq nail maolkhoel bhai hav bhoel-a nail ngaol.

²⁴ Alheel ngel-i mail, aqyu juq nail neema lavqkhoel bhai khal nl movq nail khe-ai aqjiivq

aqcavq phaḡ nl dai, Miḡyail aḡyu juḡ bhai phaiḡ ha-u phao, aḡyu juḡ teevq ḡaḡ nee teevq ḡaḡ haḡsil deedeē lal nail phaḡ nl-a nail ngaol. ²⁵ Khul khi mail alhai phaiḡ ha bhiiḡ-a nail dai ngal-aḡ neḡ, aḡyu juḡ Miḡyail nail maldil tsaḡ nail phaḡ bhai maḡ hav bhoel dai, ḡoiqbhaoḡ bhaoḡ nail phaḡ bhai hav bhoel-a nail ngel-i mail ngaol. Aḡyu juḡ neḡ, iḡsanl mail teivq-ai thaḡ nail Miḡyail bhai khaonḡ ha khi, aivq-i mail teivq-a nail phaḡ bhai uḡhuḡ thaḡ thaḡ-ail, al juḡ nail haḡbhoil ḡanl nl nail ngaol. Iḡsanl mail teivq-a nail Miḡyail bhai, nḡmaq maḡluv halyeel tsiḡeeḡ bhel.

²⁶ Alhai nl-a nail ngel-i mail, aḡyu juḡ haḡeiv nail phaḡ nl movq nail neema aol nail khe-ai nl dai, Miḡyail aḡyu juḡ bhai phaiḡ bhiiḡ-a nail ngaol. Aḡyu juḡ yaḡmai-aḡ juḡ neḡ, nl heeḡ phaḡ-ail tsaḡ nail aolsaolkovq bhai khaonḡ ha-ail ceevq khi, yaḡmai-aḡ aḡtsaoḡ maḡ nl khaḡ nail phaḡ nl thailthaiḡ nail ngaol. ²⁷ Yaḡyov-aḡ juḡ iḡsanl alhai nl thailthaiḡ nail ngaol. Yaḡmai-aḡ juḡ nee mail maḡ iqthaiḡ tavq movq dai, yaḡyov-aḡ aḡtsaoḡ khaḡmiḡ sev movq deedeē nail neema aol nail ngaol. Aḡyu juḡ teevq ḡaḡ nee teevq ḡaḡ haḡsil deedeē heeḡ phaḡ-ail tsaḡ nail phaḡ nl-a nail ngel-i mail, aḡyu juḡ-i mail nl bheeḡ-a nail khe-ai ḡeel-nvq dai, aḡyu juḡ nail aḡmaol lavḡkhoel bhai ya daḡ nail ngaol.

²⁸ Aḡyu juḡ Miḡyail bhai noeḡ cov-ai thaḡ nail neema maḡ aol-ail. Alheel ngel-i mail, aḡyu juḡ-i mail noeḡ nail phaḡ neḡ, khul nail ḡanl maḡ tsoiq-ail, maḡ tsaḡ maḡ ḡeel-nvq nail phaḡ nl dai, Miḡyail aḡyu juḡ bhai phaiḡ bhiiḡ-a nail

ngaol. ²⁹ Aqyu juq nail lavqkhoel bhai, maq tsaq maq daol nail phaḡ, haḡeiv nail phaḡ, yu nail nlmaoḡ bhai maivjeel jeel nail phaḡ, yu bhai khoeḡ lai dai nl movḡ nail phaḡ, teevḡ bhee aol nail ngaol. Yu bhai maivjeel jeel nail, lav heivḡ nail, khaḡ pheeljaḡ nail, goiqbhaoḡ bhaoḡ nail, maḡ heldaiḡ nul nail, yu nail haoḡnaol phao nee ge doil nail, niil juḡ iqsanl teevḡ bhee aol nail ngaol. ³⁰ Aqyu juḡ neḡ, khal ge movḡ-ail ge doil nail, Miḡyail bhai neejiaḡ jiaḡ nail, yu bhai deeq nail, neema eeḡ nail, yovḡḡavḡ nail aḡmaol bhai yovḡḡavḡ thaḡeeḡ nail, maḡ meeḡ nail phaḡ nl nail, aḡbhū aḡma nail daoḡ maḡ naldaḡ nail, niil juḡ iqsanl teevḡ bhee aol nail ngaol. ³¹ Aqyu juḡ neḡ, khul teevḡ phaḡ-ail maḡ noeḡ heeḡ nia-ail. Saljial maḡ ivḡ-ail. Yu bhai maḡ ḡaiḡ-a-ail. ḡaoḡhaḡ ḡaiḡ-a nail neema iqsanl maḡ aol-ail. ³² Alhai khal nl nail tsaol-aḡ juḡ neḡ, siḡ nail ḡeel-nvḡ nail ngaol dai, Miḡyail nail aoldaoḡ kovḡḡdaoḡ lavqkhoel bhai ge ceiv-ai thaḡ nail bhai aqyu juḡ heeḡ nia nail ngaol. Heeḡ nia khi ngaol-aḡ, aqyu juḡ nl thailthaiḡ nail nee ovḡtavḡ, alhai khal nl nail tsaol-aḡ juḡ bhai neema tsaḡ nail ngaol.

2

Miḡyail tsaḡ nail daol nail lavqkhoel nee yalkhaḡ dal nail ḡanl

¹ Alheel ḡel-i mail, yu nail kovtavḡ bhai oeḡbal thaḡ nail tsaol-aḡ juḡ-ol, naol khul teevḡ phaḡ-ail ge kovḡ duḡ maḡ jiaḡ-ail. Khul khi mail dai ḡal-aḡ neḡ, naol yu nail kovtavḡ bhai oeḡbal

thaq nail khe-ai, naol iqsanl nl thailthaiq-ail nial. Alheel ngel-i mail, yu nail kovtavq bhai oeqbal thaq-u phao, naoq nail kovtavq bhai naol oeqbal thaq nail khe-ai, dul nail ngaol. ² Miqyail alhai nl nail tsaol-aq juq bhai yalkhaq dal bhiq nail neq, tsaq nail ngaol dai, ngadao heeq kivq nail ngaol. ³ Naol yu nail kovtavq bhai oeqbal thaq nail khe-ai, naol iqsanl nl thailthaiq haq neq, "Miqyail-i mail yalkhaq dal nail bhai ngal ya jel-ail naol" dai, naol noeq nail laiq. ⁴ Maq ngel haq neq, Miqyail nail eeq dee meeq deedeer nail aqmeeq pha q nl nail bhai maqkhaiq, ol nia nail pha q bhai maqkhaiq, neema heelma ma dai noeq nia nail pha q bhai maqkhaiq, naol khal nl movq-ail nl nail laiq. Naol oeqbal noeq pov noeqphal lal nia dai, gaoqhaq gaiq-a nia nail Miqyail naoq bhai hevqdaiq lavq nail bhai naol maq heeq kivq-ail laiq.

⁵ Thailhai ngaol-aq, naol neema gaol khi oeqbal maq noeq pov nail ngel-i mail, Miqyail neema phail nail pha q bhai naol halpov jil thailthaiq nail ngaol. Miqyail nail aqn al n kev lee haq neq, aivq tsaq nail daol nail lavqkhoel nee yalkhaq dal nail bhai naol bhaqlaoq kheq dai, ya moel naol. ⁶ Aqn al n nail lavqkhoel bhai, tsaol-aq yaoq gaq yaoq-ao nee bhai, yovqgavq-i mail nl-a nail khe-ai geel-nvq dai, Miqyail dal bhiq nail ngaol. ⁷ Tsaol-aq teevq pav ganav juq neq neema ivqdao dai aol nail lavqkhoel khaq mao iqsanl aqmeeq pha q nl khi, Miqyail-i mail bivq lavq nail seiqleiq khaogsail bhai maqkhaiq, nqmaq maqluv halyeel doevq nail pha q bhai maqkhaiq, halpov nail ngaol. Alhai halpov nail

tsaol-aq juq bhai Miqyail nqmaq maqluv halyeel doevq nail phaḡ bivq nail ngaol. ⁸Thailhai ngaol-aog, yu nee jil pheel jil lul jaq nail tsaol-aq, maldil tsaq nail phaḡ bhai maq hav bhoel dai, maq tsaq maq daol nail phaḡ bhai hav bhoel khi nl nail juq nail kovtavq bhai Miqyail neema phail deede nail phaḡ kev lee nail ngaol. ⁹Haqev nail phaḡ khal nl nail tsaol-aq iqsanl nail kovtavq bhai haq dee aog deede nail phaḡ khi mail noeq dee noeq deel nail phaḡ kev lee nail ngaol. Iqmoeq Yuldav nail tsaol-aq bhai kev lee khi, haoqnao yu nail jeq-e jaq-a nail kovtavq bhai kev lee nail ngaol. ¹⁰Thailhai ngaol-aog, aqmeeq phaḡ khal nl nail tsaol-aq iqsanl mail Miqyail nail seiqleiq khaoqsail khi mail, neesal-ovq nail phaḡ ya nail ngaol. Iqmoeq Yuldav nail tsaol-aq ya khi, haoqnao yu nail jeq-e jaq-a ya nail ngaol. ¹¹Khul khi mail dai ngal-aq, Miqyail neq, maivphaoq eeq nil maq tsel-ail.

¹²Molseiq nail Aoldaoq Kovqdaoq maq jiav-ail, oeqbal khal nl nail tsaol-aq, aoldaoq kovqdaoq bhai maq tavq-ail, ya luq ya seil ail nail ngaol. Aoldaoq kovqdaoq jiav nail bhai oeqbal khal nl nail tsaol-aq, aoldaoq kovqdaoq nail kov-uvq nee yalkhaq dal nail bhai ya daq nail ngaol. ¹³Aoldaoq Kovqdaoq bhai ya gaiq-a nail ngel-i mail, Miqyail nail sivtavq bhai tsaq nail daol nail tsaol-aq pevq lal nail maq ngel-ail. Aoldaoq kovqdaoq bhai hav bhoel khi nl nail tsaol-aq taivq-ail, tsaq nail daol nail tsaol-aq pevq lal nail ngaol. ¹⁴Aoldaoq Kovqdaoq maq jiav nail yu nail jeq-e jaq-a, aqyu juq yovqgavq bhai yovqgavq noeq heeq khi, aoldaoq kovqdaoq ge-ai thaḡ nail

khe-ai nl haq neq, aqyu juq nail neema lavqkhoel bhai Aoldaoq Kovqdaoq jiav nail kheel ngaol. ¹⁵ Aqyu juq doevq nail jaol nail al neq, aqyu juq nail neema lavqkhoel bhai Aoldaoq Kovqdaoq gevq bhoel-ai thaq nail khe-ai dul nail salkhil pevq nail ngaol. Aqyu juq nail heeq nia nail neema iqsanl, salkhil khanq nail ngaol. Khul khi mail dai ngal-aq neq, “Naol oeqbal aol nail lai q. Maq ngel haq neq, maq aol nail lai q” dai, aqyu juq nail noeq heeq noeq moel nia nail neema ge lal nail ngaol. ¹⁶ Ngal lavqkhiq tsail nail geeqlaoq daoq cavq nail khe-ai, Miqyail Yeiqsul Khali bhai juq khi, tsaol-aq nail neema lavqkhoel bhai oil-uvq-ai thaq nail pha q bhai, yalkha q dal-u n-gaol, alhai tsa o tsel nail ngaol.

Yuldav nail tsaol-aq khi mail aoldaoq kovq-daoq nail ganl

¹⁷ Ngal Yuldav nail tsaol-aq ngaol dai, naol ge nail ngaol. Naol aoldaoq kovqdaoq bhai juq juq-ail, Miqyail bhai tavq lai nail pha q bhai neema eeq nail ngaol. ¹⁸ Naol Miqyail-i mail bhi nl movq nail pha q heeq nia nail ngaol. Naol aoldaoq kovqdaoq bhai ya saol-a nail ngel-i mail, aqmeeq pha q bhai tselpav bhoilpav nia nail tsaol-aq ngaol. ¹⁹ Naol maivpeivq peivq nail tsaol-aq bhai gailkhaol hevqdai q bhi q nail ga q jio vq khi, aqnav nail lavqkhoel bhai jaol nail tsaol-aq bhai aqbha q bha q bhi q nail ga q jio vq naol dai, naol noeq-ai tha q nail ngaol. ²⁰ Al ovqtavq, yaqja oq khaqlal miqthoi bhai gailkhaol hevqdai q nail ga q jio vq khi, yaqnoil juq bhai cavq bhi q cov bhi q nail ga q jio vq naol dai iqsanl,

naol noeq-ai thaq nail ngaol. Khul khi mail dai ngal-aq neq, neenoeq neekha maqkhaiq, maldil tsaq nail pha q maqkhaiq, aoldaoq kovqdaoq nail lavqkhoel bhai aol nail ngaol dai, naol heeq nia nail ngel-i mail, alhai noeq tha q-ai tha q nail ngaol. ²¹ Alheel ngel-i mail, naol yu bhai cavq bhiq cov bhiq-u phao, yovqgavq bhai yovqgavq maq cavq maq cov-ail laiq. Yu nail nlmaoq maq ya khoiq-ail dai, cavq bhiq cov bhiq-u phao, naol khoiq thailthaiq nail laiq. ²² “Yu nail miqyaq khaqma bhai tha q nl bheeq tha q nl leel” dai, naol ge khi ngaol-a oq, naol nl bheeq thailthaiq nail laiq. Naol tha oqphaoq aqma maolkhoel bhai bhe khi ngaol-a oq, tha oqphaoq aqma nail ilkhaol lavqkhoel bhai jia v nail nlmaoq juq bhai khoiq thailthaiq nail laiq. ²³ Naol aoldaoq kovqdaoq bhai juq juq-ail neema eeq khi ngaol-a oq, naol aoldaoq kovqdaoq bhai nl bheeq nl bheeq-ail Miqyail nail seiqlaiq kha oqsail bhai khal nl movq-ail nl nail maq ngel laiq. ²⁴ Khul khi mail dai ngal-aq neq, Jalliq lavqkhoel bhai gevq-ai tha q nail khe-ai,
 “Yu nail jeq-e jaq-a juq
 nuljuq bhaqda nee
 Miqyail nail aqmil bhai
 khal ge movq-ail
 ge nail ngaol” dai,
 gevq-ai tha q nail ngaol.

²⁵ Naol aoldaoq kovqdaoq bhai naldaiq khi tsa othe haq neq, bavkov uqjaq oev nail aol al ganl tsoiq nail ngaol. Thailhai ngaol-a oq, naol aoldaoq kovqdaoq bhai nl bheeq haq neq, bavkov uqjaq oev nail aol naol nl khi ngaol-a oq,

maq nl-a nail khe-ai dul nail ngaol. ²⁶ Alheel ngel-i mail, bavkov uqjaq oev nail aol maq nl-a nail tsaol-aq juq, aoldaoq kovqdaoq bhai naldaiq khi tsaothe haq neq, aivq aol al maq nl khi ngaol-aq, aol al nl-a nail tsaol-aq khe-ai dul nail, maq ngel-ail lai. ²⁷ Nuljuq neq, Molseiq nail aoldaoq kovqdaoq jiav khi, bavkov uqjaq oev nail aol thaoq-ai thaq khi ngaol-aq, nuljuq aoldaoq kovqdaoq bhai nl bheeq-a nail ngaol. Alheel ngel-i mail, aqsivq haqjoil phao bavkov uqjaq oev nail aol maq nl khi ngaol-aq, aoldaoq kovqdaoq bhai naldaiq khi tsaothe nail tsaol-aq juq nuljuq aoldaoq kovqdaoq bhai nl bheeq-a nail ngel-i mail, oeqbal thaq lal nail ngaol.

²⁸ Khul khi mail dai ngal-aq neq, lavqniil phao taivq-ail Yuldav nail tsaol-aq jiovq nail gaq neq, maldil Yuldav nail tsaol-aq maq ngel-ail. Lavqniil phao taivq-ail bavkov uqjaq oev nail aol nl nail pha q neq, maldil bavkov uqjaq oev nail aol nl nail maq ngel-ail. ²⁹ Lavqkhoel phao Yuldav nail tsaol-aq pevq nail gaq neq, maldil Yuldav nail tsaol-aq ngaol. Maldil bavkov uqjaq oev nail aol thaoq nail pha q neq, Molseiq nail aoldaoq kovqdaoq bhee lal dai taivq-ail nl nail maq ngel-ail. Aqhaqlal Miqyail bhaqda nee, neema lavqkhoel nee nl nail ngaol. Alhai nl nail tsaol-aq bhai, yu maq tsiqeeq khi ngaol-aq, Miqyail tsiqeeq nail ngaol.

3

Miqyail saljial ivq nail ganl

¹ Alheel ngel-i mail, yu nee maqtsil Yuldav nail tsaol-aq khul nail geeqlaoq ya jaiq nail-aiq. Bavkov uqjaq oev nail aol nl nail, khul nail ganl tsoiq nail-aiq. ² Yaoq pha q yaoq-ao nee nail lavqkhoel ganl tsoiq nail ngaol. Iqmoeq neq, Miqyail aivq nail daoq aqyu juq bhai bivq khi bhi heldaiq phail-a nail ngaol.

³ Aqyu juq teevq pav ganav juq saljial maq ivq khi ngaol-aoq, khul ge duq jiav nail-aiq. Aqyu juq saljial maq ivq nail ngel-i mail, Miqyail nail saljial ivq nail pha q bhai lav cov nia nail lai q.

⁴ Maldil maq lav cov nia-ail. Tsaol-aq iqsanl mail goiqbhaoq bhaoq khi ngaol-aoq, Miqyail neq, saljial ivq nail ngaol. Jalliq lavqkhoel bhai gevq-ai tha q nail khe-ai,

“Naoq-i mail ge-a nail

daoq bha qda nee

naol tsa q nail

daol nail ngaol dai,

yu ge nail ngaol.

Yalkha q dal nail

pha q bhai

ya da q-u phao,

naol ga q

lai nail ngaol” dai,

gevq-ai tha q nail ngaol.

⁵ Thailhai ngaol-aoq, ngadao maq tsa q maq daol nail pha q nl-a nail bha qda nee, Miqyail nail tsa q nail daol nail pha q bhi dov lal ha q neq, ngadao khalhai ge heeq. Miqyail ngadao bhai khoe q lavq jiovq lavq ha q neq, aivq maq tsa q maq daol nail pha q nl lavq-a nail ngaol dai, ngadao ge nail lai q. (Ngal nia ilhai ge nail

neq, tsaol-aq yaq juq ge nail khe-ai taivq-ail, ge nail ngaol.) ⁶ Alhai maq ngel-ail. Daoq al daoq tsaq haq neq, Miqyail miltsaq yaq bhai yalkhaq khalhai khi dal nia nail-aiq. ⁷ Ngal saljial maq ivq nail ngel-i mail, Miqyail nail maldil tsaq nail phaqaq bhai seiqlaiq khaoqsail bhi dov jaiq lal haq neq, khul khi mail Miqyail ngaq bhai oeqbal yaq niil dai, yalkhaq dal lavq nail-aiq. ⁸ “Aqmeeq phaqaq dov lal dai, maq meeq nail phaqaq nl la” dai, tsaol-aq teevq pav ganav juq ge nail ngaol. Paolluv iqsanl alhai nl nail ngaol dai, aqyu juq teevq pav ganav juq ge doil nail ngaol. Alhai ge nail juq, khoeq nail jiovq nail phaqaq bhai ya daq nail tsaq nail ngaol.

Tsaq nail daol nail tsaol-aq teevq gaq-ail maq jaol-ail

⁹ Thailhai phal-iq neq, ngadao Yuldav nail tsaol-aq yu nee maqtsil meeq jaiq nail laiqaq. Maq ngel-ail. Khul khi mail dai ngal-aq neq, Yuldav nail tsaol-aq maqkhaiqaq, yu nail jeq-e jaqaq-a juq maqkhaiqaq, tsaol-aq iqsanl mail oeqbal nail bhaqaqaq kov-uvq bhai jaol nail ngaol dai, ngal nuljuq bhai teevq pov ge bhiqaq-ao nail ngaol. ¹⁰ Jalliqaq lavqkhoel bhai niailhai gevaqaq-ai thaqaq nail ngaol:

“Tsaq nail
daol nail tsaol-aq
maq jaol-ail.
Teevq gaq iqsanl
maq jaol-ail.

¹¹ Neenoeq neekha
aol nail tsaol-aq

teevq gaq-ail
 maq jaol-ail.
 Miqyail bhai halpov nail
 tsaol-aq iqsanl
 teevq gaq-ail maq jaol-ail.

¹² Tsaol-aq iqsanl mail,
 Miqyail bhai
 khaong ha khi,
 gail bheeq bheeq
 ail-a nail ngaol.
 Aqyu juq iqsanl mail
 ganl maq tsoiq nail
 tsaol-aq pevq
 lal-a nail ngaol.
 Aqmeeq pha
 q nl nail tsaol-aq
 maq jaol-ail.
 Teevq gaq iqsanl
 maq jaol-ail.

¹³ Aqyu juq nail
 khoeqma neq,
 phao-ai thaq nail
 luqdaol khe-ai,
 dul nail ngaol.
 Aqyu juq nail
 moeqlal neq,
 goiqbhaoq bhaoq
 jaq nail ngaol.
 Aqyu juq nail
 moeqkov bhai neq,
 mailma-ail kav nail
 eellel nail dovq
 aol nail ngaol.

14 Aqyu juq nail
 moeqthaoq
 lavqkhoel bhai
 iqkhail yavq nail daoq
 khi mail,
 yu bhai neema
 nal lai dai,
 ge nail daoq
 teevq bhee
 aol nail ngaol.

15 Yu bhai
 heivq nail haqbhoil
 aqyu juq nail aqkhil
 aqphai ngaol.

16 Aqyu juq khal
 ail nail phao,
 yu bhai lav luq
 lav seil khi,
 lav haq lav aoq
 bhiq nail ngaol.

17 Aqyu juq
 neesal-ovq nail gailkhaol
 maq heeq nia-ail.

18 Al ovqtavq,
 aqyu juq nail
 neema lavqkhoel nee
 Miqyail bhai
 maq ev-ail" dai,

gevq-ai thaq nail ngaol.

19 Aoldaoq kovqdaoq lavqkhoel bhai khal gevq-
 ai thaq nail daoq juq neq, aoldaoq kovqdaoq-i
 mail uvthaiq-ai thaq nail kov-uvq bhai jaol nail
 tsaol-aq bhai ge bhiq-a nail ngaol dai, ngadao

heeq kivq nail ngaol. Alheel ngel-i mail tsaol-aq iqsanl mail ge kovq duq maq jia-v-ail. Miltsaq yaq iqsanl mail Miqyail nail siltavq bhai yalkhaq dal nail bhai ya daq nail ngaol. ²⁰ Aoldaoq kovqdaog bhai gevq-ai thaq nail khe-ai nl-a nail ngel-i mail, tsaol-aq teevq gaq iqsanl Miqyail nail siltavq bhai tsaq nail daol nail tsaol-aq maq pevq lal nia-ail. Khul khi mail dai ngal-aq neq, ngadao oeqbal aol nail ngaol dai, aoldaoq kovqdaog bhi heeq kivq lal-ail teevq-eel ngaol.

Neema thaqtsaol nail bhaqda nee tsaq nail daol nail tsaol-aq pevq lal-a nail ganl

²¹ Thailhai ngaol-aog, niil aq-il aoldaoq kovqdaog bhai maq tavq-ail, Miqyail nee mail dov lee-a nail tsaq nail daol nail phaog bhai ya moel-a nail ngaol. Ganl niil neq, aoldaoq kovqdaog lavqkhoel khi mail Miqyail nail haqbhoil gedan nail juq nail haoqgavq lavqkhoel bhai salkhil khanq-ai thaq nail ngaol. ²² Yeiqsul Khali bhai neema khal thaqtsaol nail tsaol-aq iqsanl mail aqyu juq neema thaqtsaol nail ngel-i mail, Miqyail nail tsaq nail daol nail phaog bhai ya-a nail ngaol. Miqyail neq, tsaol-aq yaq bhai maq tsel pav-ail. ²³ Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqleiq khaoqsail bhai maq ya nia-ail. ²⁴ Thailhai ngaol-aog, Miqyail nail geeqlaoq eeljaol bhaqda nee aqphoiq maq bivq-ail, tsaq nail daol nail tsaol-aq pevq lal-a nail ngaol. Tsaq nail daol nail tsaol-aq pevq lal-a nail neq, Yeiqsul Khali-i mail ul kovq lavq-a nail ngel-i mail ngaol. ²⁵ Miqyail neq, Yeiqsul bhai laol bhiq nail phaog

bhi pevq lal-a nail ngaol. Yeiqsul khanq sil-a nail bhaqda nee, aivq bhai neema khal thaqtsaol nail tsaol-aq nail oeqbal bhai Miqyail phaiq bhiq-a nail ngaol. Aivq alhai nl-a nail neq, “Ngal tsaq nail daol nail Miqyail ngaol” dai, dov lal-a nail ngaol. Miqyail ol nia nail bhaqda nee, jel lal-u phao tsaol-aq-i mail nl-a nail oeqbal bhai aivq yalkhaq maq dal-ail. ²⁶ Miqyail neq, tsaq nail daol nail ngaol. Al ovqtavq, aivq Yeiqsul bhai neema khal thaq tsaol nail tsaol-aq bhai tsaq nail daol nail tsaol-aq bhi pevq lal-a nail ngaol. Miqyail alhai nl-a nail neq, “Ngal tsaq nail daol nail ngaol” dai, yanq niil yanq nail lavqkhoel yu bhai phaodaiq bhiq-a nail ngaol.

²⁷ Alheel ngel-i mail, ngadao khul bhai neema eeq duq jiav nail-aiq. Neema eeq duq maq jiav-ail. Khul khi mail dai ngal-aq, aoldaoq kovqdaoq nail haoqnao nl-a hal-a nail bhaqda nee tsaq nail daol nail pha q ya-a nail maq ngel-ail. Neema thaqtsaol nail bhaqda nee ya-a nail ngaol. ²⁸ Aoldaoq kovqdaoq bhai maq tavq dai, neema thaqtsaol nail bhaqda nee taivq-ail, tsaq nail daol nail tsaol-aq pevq lal nail ngaol dai, nvjuq heeq kivq nail ngaol. ²⁹ Maq ngel haq neq, Miqyail neq, Yuldav nail tsaol-aq nail Miqyail teevq-eel lai q. Aivq neq, yu nail jeq-e jaq-a nail Miqyail iqsanl maq ngel-ail lai q. Ngel naol. Yu nail jeq-e jaq-a nail Miqyail iqsanl ngel nail ngaol. ³⁰ Khul khi mail dai ngal-aq neq, Miqyail teevq gaq taivq-ail jaol nail ngaol. Bavkov uqjaq oev nail aol thaoq-ai tha q nail tsaol-aq neema thaqtsaol nail ngel-i mail, aqyu juq bhai tsaq nail daol nail tsaol-aq ngaol dai, Miqyail saol-nvq-ai

thaq nail ngaol. Bavkov uqjaq oev nail aol maq thaog nail tsaol-aq iqsanl, neema thaqtsaol nail ngel-i mail, aqyu juq bhai iqsanl, tsaq nail daol nail tsaol-aq ngaol dai, Miqyail saol-nvq-ai thaq nail ngaol. ³¹ Ngadao neema thaqtsaol nail pha q bhai juq juq-ail aoldaoq kovqdaoq bhai lav cov nail ngel-ail laiq. Maq ngel-ail dei-eiq, aoldaoq kovqdaoq bhai bhi ivq jaiq lal nail ngaol.

4

Aqbhaqlaqhaq neema thaqtsaol nail ganl

¹ Ngadao nail aqbhu Aqbhaqlaqhaq nail ganl khalhai ge heeq. Aivq-i mail ya phuq ya moel-a nail ganl neq, pul-nvq bhai gevq-ai thaq nail niil juq ngaol. ² Nl-a hal-a nail bhaqda nee, Aqbhaqlaqhaq tsaq nail daol nail tsaol-aq pevq lal-al nul neq, aivq neema eeq duq jiav nail ngaol. Thailhai ngaol-aog, Miqyail nail sivtavq bhai aivq neema eeq duq maq jiav-ail. ³ Jalliq lavqkhoel bhai khalhai gevq-ai thaq nail-aiq. “Aqbhaqlaqhaq Miqyail bhai neema thaqtsaol nail ngel-i mail, Miqyail aivq bhai tsaq nail daol nail tsaol-aq ngaol dai, saol-nvq-ai thaq nail ngaol” dai, gevq-ai thaq nail ngaol.

⁴ Ganl nl nail tsaol-aq, yalgaq aqphoiq ya-u phao, yu aivq bhai kovpavq bivq lavq-a nail ngaol dai, teevq gaq-ail maq saol-nvq-ail. Aivq-i mail nl khi ya nail geel-nvq nail ngel-i mail, ya-a nail ngaol. ⁵ Thailhai ngaol-aog, nl nail hal nail pha q bhai maq juq dai, neema thaqtsaol nail tsaol-aq bhai tsaq nail daol nail tsaol-aq ngaol dai, Miqyail saol-nvq-ai thaq nail ngaol.

Aivq-i mail nl-a hal-a nail bhaqda nee maq ngel-ail. Oeqbal aol nail tsaol-aq juq bhai tsaq nail daol nail tsaol-aq bhi pevq lal nia nail Miqyail bhai, aqyu juq neema thaqtsaol nail ngel-i mail ngaol. ⁶ Tsaol-aq teevq gaq nl nail hal nail bhai maq tavq-ail, Miqyail aivq bhai tsaq nail daol nail tsaol-aq ngaol dai, saol-nvq bhiq haq neq, geeqlaoq eeq nail ngaol. Heeqphaq Daqbhil iqsanl, alhai ge-ai thaq nail ngaol. ⁷ Aivq ge nail:

“Tsaol-aq khul gaq
bhai maqkhaiq,
nl bheeq-a nail
phaq bhai
Miqyail oeqbal
phaiq bhiq khi
aivq nail oeqbal bhai
lav peivq gil
bhiq haq neq,
tsaol-aq al gaq
geeqlaoq eeq nail ngaol.

⁸ Tsaol-aq teevq gaq nail
kovtavq bhai
Heeqphaq Miqyail
oeqbal maq thaq haq neq,
tsaol-aq al gaq
geeqlaoq
eeq nail ngaol” dai,
ge-ai thaq nail ngaol.

⁹ Thailhai phal-iq neq, bavkov uqjaq oev nail aol thaog nail tsaol-aq taivq-ail geeqlaoq al ya nail lai. Maq ngel haq neq, aol al maq thaog nail tsaol-aq iqsanl ya naol lai. Khul khi mail dai ngal-aq neq, Aqbhaqlaqhaq neema thaqtsaol

nail ngel-i mail, Miqyail aivq bhai tsaq nail daol nail tsaol-aq ngaol dai, saol-nvq-ai thaq nail bhai ngadao heeq kivq nail ngaol. ¹⁰ Miqyail aivq bhai alhai khaq mao saol-nvq bhiq-a nail-aiq. Bavkov uqjaq oev nail aol nl gaq khi mail laiq. Maq ngel haq neq, maq nl-u nee mail laiq. Bavkov uqjaq oev nail aol nl gaq khi mail maq ngel-ail. Maq nl-u nee mail saol-nvq bhiq-a nail ngaol. ¹¹ Aqbhaqlaqhaq neema thaqtsaol nail ngel-i mail, bavkov uqjaq oev nail aol maq nl-u nee mail tsaq nail daol nail tsaol-aq pevq lal-a nail ngaol. Aivq tsaq nail daol nail tsaol-aq pevq lal-aoq nail ngaol dai, bhaqlaoq kheq dai bhi dov lal nail dai khi, bavkov uqjaq oev nail aol nl-a nail ngaol. Bavkov uqjaq oev nail aol maq nl khi ngaol-aoq, neema thaqtsaol nail ngel-i mail, tsaq nail daol nail tsaol-aq pevq lal-a nail tsaol-aq iqsanl nail aqbhu gaq pevq lal-a nail ngaol. ¹² Aqbhaqlaqhaq aivq bavkov uqjaq maq oev-u nee mail, khal doevq-ail ceevq-a nail khe-ai, neema thaqtsaol thaqtsaol-ail doevq nail bavkov uqjaq oev-a nail tsaol-aq juq nail aqbhu gaq iqsanl pevq nail ngaol.

Neema thaqtsaol nail ngel-i mail, daoqma saljial ya-a nail ganl

¹³ Miltsaq niil iqsanl, Aqbhaqlaqhaq khi mail, aivq nail aqjievq lilheel bhai jaiqbhoil bivq naol dai, Miqyail saljial jaq-u phao, Aqbhaqlaqhaq aoldaoq kovqdaoq nail haoqnao tsaothe-a nail ngel-i mail, jaq-a nail maq ngel-ail. Thailhai ngaol-aoq, aivq neema thaqtsaol khi, Miqyail aivq-i mail tsaq nail daol nail tsaol-aq bhi pevq

lal-a nail ngel-i mail ngaol. ¹⁴ Khul khi mail dai ngal-aq neq, aoldaoq kovqdaoq bhai juq nail tsaol-aq jaiqbhoil ovq haq neq, neema thaqtsaol nail phaqaq neq, khul nail ganl maq tsoiq-ail. Daoqma saljial al iqsanl khul nail ganl maq tsoiq-ail. ¹⁵ Aoldaoq kovqdaoq neq, Miqyail neema phail nail phaqaq bhi kev lee nail ngaol. Thailhai ngaol-aq, aoldaoq kovqdaoq maq jiav-ail nul neq, aoldaoq kovqdaoq bhai nl laiqaq nail phaqaq iqsanl maq jiav-ail.

¹⁶ Alheel ngel-i mail, daoqma saljial bhai ya nia dai neq, neema thaqtsaol nail phaqaq bhai tavqaq nail ngaol. Khul khi mail dai ngal-aq neq, geeqlaoq eeljaol bhaqda nee ya nail ngaol. Aqbbhaqlaqaqqaq nail aqjievqaq lilheel juq iqsanl daoqma saljial maldil ya-a nail ngaol. Aoldaoq kovqdaoq jiav nail Yuldav nail tsaol-aq juq taivqaq-ail ya-a nail maq ngel-ail. Ngadao juq iqsanl nail aqbbhu Aqbbhaqlaqaqqaq neema thaqtsaol nail khe-ai, khal thaqtsaol nail tsaol-aq iqsanl mail ya nail ngaol. ¹⁷ Aivqaq nail ganl Jalliqaq lavqkxhoel bhai gevqaq-ai thaqaq nail khe-ai:

“Ngal naoqaq bhai
jeqaq-e jaqaq-a
maodai nail aqbbhu
bhi pevqaq lal naol” dai,
gevqaq-ai thaqaq nail ngaol.

Aqbbhaqlaqaqqaq neq, aivqaq neema thaqtsaol nail Miqyail nail sivtavqaq bhai saljial ya-a nail ngaol. Miqyail al gaqaq neq, sil-a nail tsaol-aq bhai gaogaq bhi doevqaq kovqaq lal nia nail nee ovqtaavqaq, maq jiav nail phaqaq bhai iqsanl bhi jiav lal nia nail gaqaq ngaol.

18 Jeq-e jaq-a maodai nail aqbhu pevq lal dai, noeqthunq duq maq jiaiv khi ngaol-aoq, Aqbhaqlaqhaq neema thaqtsaol khi noeqthunq nail ngaol. Khul khi mail dai ngal-aq neq, “Naoq nail aqjievq lilheel nqtavq khe tsaiq nail aqgil khe-ai mao lal naol” dai,

Miqyail aivq bhai ge bhiq-ai thaq nail ngaol.

19 Aqbhaqlaqhaq aivq nail aqmaol bhai saol-nvq khi, aivq teevq yal kovq niidai bhee lal-a nail ngel-i mail, yeel gil lai nail aqjail jail lal-aoq nail ngaol. Al ovqtavq Saqlal iqsanl yaq jaol lee nail yang jel-ail khi ngaol-aoq, Aqbhaqlaqhaq neema thaqtsaol nail phao gaq maq bhaq-ail. 20 Miqyail-i mail saljial jaq-ai thaq nail bhai, aivq pov pov lav lav-ail maq noeq dai, neema thaqtsaol nail pha q gaq kav lal khi Miqyail bhai tsiqeeq-a nail ngaol. 21 Saljial jaq-ai thaq nail khe-ai, Miqyail nl nia nail ngaol dai, Aqbhaqlaqhaq ivqdao dai, neema thaqtsaol nail ngaol. 22 Aivq alhai neema thaqtsaol nail ngel-i mail, “Naol tsaq nail daol nail tsaol-aq ngaol” dai, Miqyail aivq bhai saol-nvq-ai thaq nail ngaol. 23 Thailhai ngaol-aoq, aivq alhai saol-nvq-ai thaq nail ngaol dai, gevq-ai thaq nail daoq al daoq neq, Aqbhaqlaqhaq nail haqbhoil teevq-eel maq ngel-ail. 24 Ngadao juq nail haqbhoil iqsanl gevq-ai thaq nail ngaol. Ngadao nail Heeqphaq Yeiqsul bhai gaoq bhi doevq kovq lal-a nail gaq bhai ngadao neema thaqtsaol haq neq, ngadao bhai iqsanl tsaq nail daol nail tsaol-aq ngaol dai, Miqyail saol-nvq lavq nail ngaol. 25 Ngadao-i mail nl laiq-a nail

oeqbal bhaqda nee Yeiqsul bhai tavq heivq-a nail ngaol. Thailhai ngaol-aog, ngadao Miqyail nail sivtavq bhai tsaq nail daol nail tsaol-aq pevq lal dai, aivq gaoq doevq kovq lal-a nail ngaol.

5

¹ Niil aq-il ngadao neema thaqtasol nail bhaqda nee, tsaq nail daol nail tsaol-aq pevq lal-a nail ngel-i mail, ngadao nail Heeqphaq Yeiqsul Khali bhaqda nee, Miqyail bhai tsaq lai jil lai-a nail ngaol. ² Yeiqsul Khali bhaqda nee ngadao geeqlaoq eeljaol al nail lavqkhoel bhai jaol ivq lal-a nail ngaol. Ngadao Miqyail nail seiqleiq khaoqsail bhai ya dai, noeqthunq-ai thaq nail ngel-i mail, lavqkhiq tsail-ail nial. ³ Al ovqtavq, ngadao haq nail aog nail pha q bhai ya daq-u phao, lavqkhiq mao-ail tsail-ail nial. Khul khi mail dai ngal-aq neq, haq nail aog nail bhaqda nee, ngadao oltsaol lal-a nail ngaol. ⁴ Ngadao oltsaol nail bhaqda nee, laonqdaiq nail pha q bhai gaq lai-a nail tsaol-aq juq ngaol dai, Miqyail ngadao bhai saol-nvq lavq-a nail ngaol. Laonqdaiq nail pha q bhai gaq lai-a nail bhaqda nee, noeqthunq nail pha q jiav lal-a nail ngaol dai, ngadao heeq kivq nail ngaol. ⁵ Noeqthunq nail pha q jiav lal-a nail bhaqda nee, neema cov duq maq jiav yaoq-aol. Khul khi mail daiq ngal-aq neq, ngadao bhai bivq lavq-a nail Meeqnail Haolnail Aqhaqlal, ngadao nail neema lavqkhoel bhai Miqyail nail goil nail gaiq-a nail pha q teevq bhee hoel bhoel lavq-a nail ngaol.

⁶ Ngadao gaq hal duq maq jiav-u phao, Miqyail-i mail tsel dov-ai thaq nail yanq bhai Khali

neq, oeqbal yaq nail haqbhoil khanqsil-a nail ngaol. ⁷ Tsaq nail daol nail tsaol-aq nail haqbhoil khanqsil nail tsaol-aq halpov khi ngaol-aq, maq halpov moel kivq-ail. Teevq pov ganav tsaol-aq aqmeeq aqjaq nail haqbhoil khanqsil tseq nail teevq gaq ganav neq, jaol-ail jaol-aq. ⁸ Thailhai ngaol-aq, Miqyail ngadao bhai khadai gaiq-a nail dai, niailhai bhi moel lavq-a nail ngaol. Ngadao oeqbal yaq pevq-u phao, Khali ngadao nail haqbhoil khanqsil-a nail ngaol.

⁹ Niil aq-il, Khali khanqsil-a nail bhaqda nee, ngadao Miqyail nail sivtavq bhai tsaq nail daol nail tsaol-aq pevq lai-a nail ngaol. A dai nee maqtsil, aivq bhaqda nee ngadao Miqyail neema phail nail phaqa bhai maldil ya jel ail-a nail ngaol. ¹⁰ Ngadao Miqyail bhai neejiaq jiaq nail tsaol-aq pevq-u phao, aivq nail Yaqyov khanqsil-a nail ngel-i mail, ngadao Miqyail bhai tsaq lai jil lai-a nail ngaol. A dai nee maqtsil, aivq bhai tsaq lai jil lai-a nail ngel-i mail, Yaqyov aqdoevq doevq nail khe-ai, ngadao bhai maldil hevqkovq lavq nail ngaol. ¹¹ Al taivq-ail maq ngel mail, ngadao nail Heeqphaq Yeiqsul Khali bhaqda nee Miqyail bhai lavqkhiq tsail tav dai, tsiq eeq nail ngaol. Aivq bhaqda nee ngadao Miqyail bhai tsaq lai jil lai-a nail ngaol.

Aqdaq khi Khali nail ganl

¹² Tsaol-aq teevq gaq bhaqda nee, miltsaq kovtavq bhai oeqbal jiaq lee khi, oeqbal bhaqda nee sil nail phaqa jiaq lee-a nail ngaol. Sil nail phaqa tsaol-aq iqsanl nail kovtavq bhai kev lee-a nail ngaol. Khul khi mail dai ngal-aq neq,

tsaol-aq iqsanl mail oeqbal nl-a nail ngel-i mail ngaol. ¹³ Aoldaoq kovqdaoq maq bivq-u nee mail, miltsaq kovtavq bhai oeqbal jlav nail ngaol. Thailhai ngaol-aq, aoldaoq kovqdaoq maq bivq-a nail gaiqlaq bhai neq, oeqbal ngaol dai, maq saol-nvq-ai haq-al. ¹⁴ Alhai maq saol-nvq khi ngaol-aq, Aqdaq nee mail Molseiq nail yeel bhai kev dai, sil nail pha-q-i mail uvthaiq-ai tha-q nail ngaol. Tsaol-aq al juq-i mail nl bheeq-a nail khi Aqdaq-i mail nl bheeq-a nail maq dul lai khi ngaol-aq, sil nail pha-q aqyu juq bhai uvthaiq-ai tha-q nail ngaol. Aqdaq al gaq yaqhao khe lee nail gaq khe-ai dul nail ngaol.

¹⁵ Thailhai ngaol-aq, nl bheeq-a nail al neq, aqnieivq-ail bivq lavq-a nail kovpavq khe-ai, maq dul-ail. Khul khi mail dai ngal-aq neq, tsaol-aq teevq gaq nl bheeq-a nail ngel-i mail, tsaol-aq maodai ya sil-a nail ngaol. Thailhai ngaol-aq, Yeiqsul Khali bhaqda nee, Miqyail nail geeqlaoq eeljaol khi aivq-i mail aqnieivq-ail bivq lavq-a nail kovpavq al, tsaol-aq maodai nail haqbhoil mao jaiq lal-a nail ngaol. ¹⁶ Al ovqtavq, tsaol-aq teevq gaq nl bheeq-a nail ngel-i mail, pevq lal-a nail pha-q neq, aqnieivq-ail bivq lavq-a nail kovpavq khe-ai, maq dul-ail. Khul khi mail dai ngal-aq neq, Aqdaq teevq gaq taivq-ail nl bheeq khi ngaol-aq, tsaol-aq iqsanl mail, ya sil naol dai, yalkhaq dal nail pha-q bhai ya daq-a nail ngaol. Thailhai ngaol-aq, Miqyail-i mail aqnieivq-ail bivq lavq-a nail kovpavq bhaqda nee, ngadao maodai nl bheeq khi ngaol-aq, Miqyail nail sivatavq bhai tsaq nail daol nail tsaol-aq pevq lal-a nail ngaol. ¹⁷ Tsaol-aq teevq gaq

nl bheeq-a nail ngel-i mail, sil nail phaḡ aivḡ bhaḡda nee uvthaiḡ-ai thaḡ nail ngaol. Thailhai ngaol-aoḡ, tsaḡ nail daol nail phaḡ pevḡ nail Miḡyail nail eeḡ dee mao deedeē nail geeḡlaoḡ eeljaol khi aḡnieivḡ-ail bivḡ lavḡ-a nail kovpavḡ bhai ya-a nail tsaol-aḡ, a dai nee maḡtsil, Yeiqsul Khali bhaḡda nee aḡdoevḡ doevḡ khi ya uvthaiḡ nail ngaol.

¹⁸ Tsaol-aḡ teevḡ ḡaḡ nl bheeq-a nail ngel-i mail, Miḡyail tsaol-aḡ iḡsanl bhai ya sil naol dai, yalkhaḡ dal ceiv-ai thaḡ nail ngaol. Alhai dul dai, tsaol-aḡ teevḡ ḡaḡ tsaḡ nail daol nail phaḡ nl-a nail ngel-i mail, tsaol-aḡ iḡsanl mail Miḡyail nail sivtavḡ bhai tsaḡ nail daol nail tsaol-aḡ pevḡ lal khi, aḡdoevḡ ya doevḡ nail ngaol. ¹⁹ Tsaol-aḡ teevḡ ḡaḡ maḡ naldaiḡ-a nail ngel-i mail, tsaol-aḡ maodai ḡaḡ oeḡbal yaḡ pevḡ lal-a nail ngaol. Alhai dul dai, tsaol-aḡ teevḡ ḡaḡ naldaiḡ-a nail ngel-i mail, tsaol-aḡ maodai tsaḡ nail daol nail tsaol-aḡ pevḡ lal-a nail ngaol.

²⁰ Bheeq nail leel nail phaḡ mao lal dai, aoldaoḡ kovḡdaoḡ jiaḡ lal-a nail ngaol. Thailhai ngaol-aoḡ, oeḡbal mao lal nail al dao bhai, Miḡyail nail geeḡlaoḡ eeljaol mao jaiḡ lal nail ngaol. ²¹ Sil nail phaḡ bhaḡda nee oeḡbal uvthaiḡ-a nail khe-ai, tsaḡ nail daol nail phaḡ bhaḡda nee geeḡlaoḡ eeljaol uvthaiḡ-ai thaḡ nail ngaol. Geeḡlaoḡ eeljaol al neḡ, ngadao nail Heeḡphaḡ Yeiqsul Khali bhaḡda nee ngadao bhai nḡmaḡ maḡluv halyeel ya doevḡ dai, hevḡdaiḡ lavḡ nail ngaol.

6

Oeqbal bhai khaonq ha khi Yeiqsul Khali nail lavqkhoel bhai doevq nail ganl

¹ Alheel ngel-i mail, ngadao khalhai ge heeq. Geeqlaoq eeljaol bhi mao lal nail dai khi, ngadao oeqbal nail haoqnao gaoq tsoothe-ai haq nail lai. ² Teevq peivq-ail maq tsoothe. Oeqbal nl nail pha q bhai tavq lai khi ngadao sil jel-a nail khe-ai dul nail ngel-i mail, oeqbal nail lavqkhoel bhai khalhai khi gaoq doevq kivq nail-ai. ³ Ngadao Yeiqsul Khali bhai tavq kivq dai, ulcuvq saol-a nail al neq, aivq nee mail teevq ga q khe-ai, sil nail gal duq saol-a nail pha q pevq nail ngaol dai, nuljuq maq heeq kivq-ail lai. ⁴ Alheel ngel-i mail, ngadao ulcuvq saol-u phao, aivq nee mail teevq ga q khe-ai sil khi, duq phee q-ai tha q nail ngaol. Thailhai ngaol-aq, Aqbhu Miqyail nail seiqlai q kha oqsail nail bha qao q bha qda nee, Khali sil khi ngaol-aq, gaoq doevq kovq lal-a nail khe-ai, ngadao iqsanl gaoq doevq kovq lal khi, tsaol-aq aqsivq pevq lal nail ngaol.

⁵ Ngadao Yeiqsul Khali nee teevq ga q khe-ai sil-a nail ngel-i mail, aivq doevq kovq lal-a nail khe-ai, ngadao aivq nee mail ya doevq kovq lal nail ngaol. ⁶ Ngadao oeqbal nail ya qkav maq ya jio vq-ail, oeqbal nail aqmaol niilniai lav luq lav seil-ail nia dai, ngadao nail neema aqlil aivq nee mail lavqyavq kovtavq bhai tavq heivq-a nail ngaol dai, ngadao heeq kivq nail ngaol. ⁷ Khul khi mail dai ngal-aq, sil-a nail tsaol-aq neq, oeqbal nee jel-ail nail ngaol.

⁸ Ngadao Khali nee mail sil haq neq, aivq nee mail teevq gaq khe-ai ya doevq nail ngaol dai, ngadao neema thaqtsaol nail ngaol. ⁹ Khali sil khi ngaol-aog, gaoq doevq kovq lal-a nail ngel-i mail, aivq yaqhao teevq thal-iq maq sil yaoq-aol. Sil nail phaqa aivq bhai maq uvthaiq nia yaoq-aol dai, ngadao heeq kivq nail ngaol. ¹⁰ Khali aivq sil-a nail neq, aivq khi mail oeqbal nail gaiqlaq bhai teevq pov taivq-ail gaoqceiv ceiv ail-aog nail ngaol. Niil aq-il aivq doevq thailthaiq nail neq, Miqyail nail haqbhoil ngaol.

¹¹ Alhai dul dai, nuljuq yovqgavq bhai yovq-gavq niailhai saol-nvq yaoq. Ngal neq, oeqbal nee gaoq ceiv ceiv-ail khi sil gaq-ao nail nee ovqtavq, Yeiqsul Khali bhaqda nee Miqyail nail haqbhoil doevq thailthaiq nail tsaol-aq ngaol dai, saol-nvq yaoq. ¹² Nuljuq nail aqsivq haqjoil sil nia nail aqmaol bhai oeqbal-i mail thaqa bhi uvthaiq. Oeqbal jalmul mul nail haoqnao thaqa tsaothe. ¹³ Nuljuq nail aqmaol maq meeq nail phaqa nl dai, oeqbal bhai thaqa av bhiq. Nuljuq neq, sil nail lavqkhoel nee jel-ail khi, Miqyail nail haqbhoil doevq nail ngel-i mail, yovqgavq nail aqmaol Miqyail bhai av bhiq yaoq. Nuljuq nail aqmaol bhai covq nail phaqa iqsanl mail, tsaqa nail daol nail haqbhoil Miqyail aivq nail khi kha-ao khe-ai yuq nia dai, aivq bhai av bhiq yaoq. ¹⁴ Khul khi mail dai ngal-aq neq, nuljuq neq, aoldaoq kovqdaoq nail kov-uvq bhai jaol nail maq ngel-ail. Miqyail nail geeqlaoq eeljaol nail kov-uvq bhai jaol nail ngaol. Alheel ngel-i mail, oeqbal nuljuq bhai maq uvthaiq nia yaoq-aol.

Tsaq nail daol nail kov-uvq bhai yaqkav jiovg nail ganl

¹⁵ Thailhai phal-iq neq, khalhai khi heeq. Aoldaoq Kovqdaoq nail kov-uvq bhai maq jaol dai, geeqlaoq eeljaol nail kov-uvq bhai jaol nail ngel-i mail, ngadao oeqbal gaoq nl nail laiq. Teevq peivq-ail maq nl-ail dei-eiq. ¹⁶ Nuljuq tsaol-aq teevq gaq nail daoq naldaiq khi, “Ngal naoq nail yaqkav jiovg nao” dai, ge khi yovq-gavq nail aqmaol av bhiq gaq haq neq, nuljuq tsaol-aq al gaq nail yaqkav maldil ya jiovg nail ngaol dai, maq heeq kivq-ail laiq. Oeqbal nail yaqkav jiovg haq neq, ya sil nail ngaol. Miqyail nail daoq naldaiq khi hav bhoel haq neq, tsaq nail daol nail tsaol-aq pevq lal nail ngaol. ¹⁷ Thailhai ngaol-aoq, Miqyail bhai tsiqeeq yaoq. Khul khi mail dai ngal-aq neq, jel lal-u phao nuljuq oeqbal nail yaqkav jiovg daiq khi ngaol-aoq, niil aq-il neq, Miqyail-i mail cavq lavq cov lavq-a nail daoq neema lavqkhoel bhai kev dai, nuljuq hav bhoel khi tsaothe-a nail ngaol. ¹⁸ Nuljuq neq, oeqbal nail lavqkhoel nee jel-ail khi, tsaq nail daol nail phaqq nail yaqkav pevq lal-a nail ngaol.

¹⁹ Ngal niailhai ge nail neq, nuljuq gov heeq nia dai, yaoq n yaoq n nee yuq nail daoq nee ge nail ngaol. Jel lal-u phao, nuljuq nail aqmaol neq, haqev nail phaqq nl dai, aqjiivq aqcavq khi mail maq meeq nail phaqq nail yaqkav jiovg dai, av bhiq-a nail ngaol. Alhai dul dai, niil aq-il nuljuq meeq lal haol lal khi, tsaq nail daol nail phaqq nail yaqkav jiovg kivq dai, nuljuq nail aqmaol Miqyail bhai av bhiq yaoq. ²⁰ Nuljuq oeqbal

nail yaqkav jioqvq-u phao, tsaq nail daol nail phaƣ nail kov-uvq bhai maq jaol-al. ²¹ Nuljuq oeqbal alhai nl-u phao, khul nail ganl tsoiq nail-aiq. Oeqbal nl-a nail ngel-i mail, niil aq-il ya haqsil-ail teevq-eel ngaol. Al nail haoqnao naosaq neq, ya sil nail ngaol. ²² Thailhai ngaol-aog, niil aq-il nuljuq oeqbal nail lavqkhoel nee jel-ail khi, Miqyail nail yaqkav pevq lal-a nail ngel-i mail, nuljuq meeq nail haol nail phaƣ ya-a nail ngaol. Al nail haoqnao naosaq neq, nqmaq maqluv halyeel doevq nail phaƣ ya nail ngaol. ²³ Oeqbal nail aqphoiq neq, ya sil nail ngaol. Thailhai ngaol-aog, Miqyail-i mail ngadao bhai aqnieivq-ail bivq lavq-a nail kovpavq neq, ngadao nail Heeqphaq Yeiqsul Khali bhaqda nee, nqmaq maqluv halyeel ya doevq nail ngaol.

7

Khaqma nail ganl daoq ma uqhuq daoq

¹ Aqivq jaqbheq juq-ol, ngal niailhai ge nail neq, aoldaoq kovqdaoq heeq nia nail juq bhai ge nail ngaol. Tsaol-aq aqdoevq doevq-u phao taivq-ail aoldaoq kovqdaoq nail kov-uvq bhai jaol nail ngaol dai, nuljuq heeq nia nail ngaol. ² Yaqmai-aq teevq gaq, aivq nail yovjil khal doevq-u kev dai, aoldaoq kovqdaoq-i mail aivq bhai pheethaiq-ai thaq nail ngaol. Thailhai ngaol-aog, yovjil gaq sil haq neq, yovjil gaq nee tavq nail aoldaoq kovqdaoq nee bhuvq-ail jel-ail nail ngaol. ³ Alheel ngel-i mail, aivq nail yovjil maq sil-u phao, yaoq gaq yaoq nee bheeq haq neq, bheeq nail leel nail yaqmai-aq dai, yu aivq

bhai ge nail ngaol. Thailhai ngaol-aog, aivq nail yovjil sil haq neq, aoldaoq kovqdaoq al bhai bhug-ail jel ail-aog nail ngel-i mail, yaoq gaq yaoq bhai maol ail khi ngaol-aog, bheeq nail leel nail yaqmai-aq maq ngel-ail.

⁴ Ngaq nail aqivq jaqbheq juq-ol, alhai dul dai nuljuq Khali nee teevq gaq khe-ai sil-a nail ngel-i mail, aoldaoq kovqdaoq bhai bhug-ail jel ail-a nail ngaol. Alheel ngel-i mail, ngadao Miqyail nail haqbhoil aqheeq heeq lee nia dai, nuljuq neq, gaoq doevq kovq lal-a nail Khali bhai maol ail-a nail ngaol. ⁵ Khul khi mail dai ngal-aq neq, ngadao aqsivq haqjoil nail neekhaol khe-ai aq-doevq doevq-u phao, aoldaoq kovqdaoq bhaqda nee oeqbal nl movq nail neekhaol ngadao nail aqmaol lavqkhoel bhai ganl nl khi, ngadao-i mail khal nl khal hal nail yaoq pha q yaoq-ao nee sil nail pha q bhai dee lai nail ngaol. ⁶ Thailhai ngaol-aog, niil aq-il ngadao aoldaoq kovqdaoq bhai bhug-ail jel ail-aog nail ngaol. Jel lal-u phao, ngadao bhai pheethaiq-ai tha q nail pha q bhai pheel ha-ail ceevq-a nail ngel-i mail, niil aq-il ngadao-i mail nl nail hal nail neq, aoldaoq kovqdaoq aqlil nail kov-uvq bhai nl nail hal nail maq ngel-ail. Aqhaqlal Miqyail uvthaiq nail neema aqsivq aol khi nl nail hal nail ngaol.

*Aoldaoq kovqdaoq khi ngadao nail lavqkhoel
khe aol nail oeqbal nail ganl*

⁷ Alheel ngel-i mail, ngadao khalhai ge heeq. Aoldaoq kovqdaoq neq, oeqbal pevq nail lai q. Maq ngel-ail dei-eiq. Aoldaoq kovqdaoq maq jiav-ail nul neq, ngadao oeqbal aol nail dai,

ngadao maq heeq kivq-ail. Khul khi mail dai ngal-aq neq, yu nail yalkav bhai maivjeel thaq jeel dai, aoldaoq kovqdaoq maq ge lavq-ail kheel nul neq, maivjeel jeel nail pha q oeqbal ngaol dai, ngadao maq heeq kivq-ail. ⁸ Oeqbal neq aoldaoq kovqdaoq bhai juq juq-ail khi, ngadao nail lavqkhoel khe maivjeel jeel nail mee nia pha q bhi dov lal nia nail ngaol. Khul khi mail dai ngal-aq, aoldaoq kovqdaoq maq jiav-ail nul neq, oeqbal sil-a nail ngaol. ⁹ Jel lal-u phao, aoldaoq kovqdaoq bhai maq tavq dai ngadao aqdoevq doevq-a nail ngaol. Thailhai ngaol-aq, aoldaoq kovqdaoq kev lee-u phao, oeqbal doevq lal khi ngadao neq, sil-a nail ngaol. ¹⁰ Aoldaoq kovqdaoq al bhaqda nee ngadao aqdoevq ya doevq nail ngaol dai, noeqthunq khi ngaol-aq, ngaq bhai heivq lao tha q nail niil.

¹¹ Khul khi mail dai ngal-aq, oeqbal neq, aoldaoq kovqdaoq al bhai juq juq-ail, ngadao bhai goiqbhaq bhaq lavq-a nail nee ovqtavq, heivq lavq-a nail ngaol. ¹² Thailhai ngaol-aq, aoldaoq kovqdaoq iqsanl mail aqmeeq aqhaol haol khi, aqtsaq ngaol. Aqmeeq ngaol. ¹³ Thailhai phal-iq neq, aqmeeq pha q-i mail ngadao bhai heivq lavq-a nail lai q. Maq ngel-ail dei-eiq. Oeqbal neq, maldil oeqbal ngaol dai, bhaqlaoq kheq dai dov lal dai, aqmeeq pha q bhai juq khi ngadao bhai heivq lavq-a nail ngaol. Alheel ngel-i mail, aoldaoq kovqdaoq al juq neq, oeqbal khadai haqeviv nail ngel-ail dai, bhaqlaoq kheq dai, cavq lavq-a nail ngaol.

¹⁴ Aoldaoq kovqdaoq neq, aqhaqlal bhai tavq nail ngaol dai, ngadao heeq kivq naol. Thailhai

ngaol-aoq, ngadao aqsivq haqjoil bhai tavq khi, oeqbal nail yaqkav bhi jiovq nail dai khi, ngadao bhai gaoq-ai thaq nail ngaol. ¹⁵ Ngadao-i mail nl nail juq bhai ngadao maq heeq kivq-ail. Ngadao nl movq nail pha q bhai maq nl mail, ngadao-i mail bhe nail pha q bhai ngadao nl nail ngaol. ¹⁶ Ngadao maq nl movq nail pha q bhai ngadao nl haq neq, aoldaoq kovqdaoq aqmeeq ngaol dai, ngadao khanq-a nail ngaol. ¹⁷ Alheel ngel-i mail, maq meeq nail al juq bhai maldil ngadao nl nail maq ngel. Ngado nail lavqkhoel khe aol nail oeqbal nl nail ngaol. ¹⁸ Aqsivq haqjoil bhai tavq nail ngadao nail aqmaol niil nail lavqkhoel bhai aqmeeq pha q teevq peivq-ail maq aol-ail dai, ngadao heeq kivq naol. Aqmeeq pha q nl movq nail neema aol khi ngaol-aoq, maq nl kivq-ail. ¹⁹ Al ovqtavq, aqmeeq pha q nl movq khi ngaol-aoq ngadao maq nl-al. Maq nl movq nail haqev nail pha q ngadao nl nail ngaol. ²⁰ Maq nl movq nail pha q ngadao nl haq neq, ngadao nl nail maq ngel. Ngadao nail lavqkhoel khe aol nail oeqbal nl nail ngaol.

²¹ Alheel ngel-i mail, ngadao aqmeeq pha q nl movq-u phao, khaq mao iqsanl haqev nail pha q ngadao nail lavqkhoel bhai aol nail bhai ngadao ya moel nail ngaol. ²² Ngadao nail neema lavqkhoel bhai neq, Miqyail nail aol bhai lavqkhiq tsail-ail nial. ²³ Thailhai ngaol-aoq, ngadao nail aqmaol lavqkhoel bhai, aol yaoq pha q yaoq aol nail bhai ngadao ya moel-a nail ngaol. Aol al neq, ngadao nail neema nee genl dev pheeljaq khi, ngadao nail aqmaol lavqkhoel

khe aol nail oeqbal ngadao bhai bhi pheel-aivq nail dai, nl nail ngaol. ²⁴ Ngadao bhai noeqhaq deedee-ail nial. Ngadao bhai bhi sil-ail thailthaiq nail aqmaol niil nail lavqkhoel nee, khaq sil gaq ngadao bhai bhi jel-ail nia nail-aiq. ²⁵ Ngadao nail Heeqphaq Yeiqsul Khali bhi jel-ail nia nail ngel-i mail, Miqyail bhai tsiq eeq bhel. Thailhai phal-iq neq, ngadao nail neema niil Miqyail nail aoldaoq kovqdaoq bhai tsaq nail khe-ai nl naol. Thailhai ngaol-aog, ngadao nail aqsivq haqjoil phao tavq nail aqmaol neq, oeqbal nail aol bhai tsaq dai, nl-ai haq nail ngaol.

8

Aqhaqlal Miqyail nail lavqkhoel bhai aqdoevq doevq nail ganl

¹ Alheel ngel-i mail, Yeiqsul Khali nail lavqkhoel bhai jaol nail tsaol-aq juq neq, ya sil naol dai, yalkhaq dal nail pha q bhai niil aq-il maq ya daq yaoq-aol. ² Khul khi mail dai ngal-aq neq, Yeiqsul Khali nail lavqkhoel bhi doevq lal nia nail Aqhaqlal Miqyail nail bhaqaoq neq, oeqbal nail bhaqaoq lavqkhoel khi mail sil nail bhaqaoq lavqkhoel nee ngadao bhai bhi jel-ail lavq-a nail ngaol. ³ Ngadao aqsivq haqjoil bhao nail bhaqda nee, aoldaoq kovqdaoq gaq maq aol-ail. Alheel ngel-i mail, Miqyail neq, aoldaoq kovqdaoq maq nl nia nail pha q bhai, nl-ai tha q nail ngaol. Oeqbal ya q nail haqbhoil Miqyail aivq nail Yaqyov bhai khoel-ai leevq-a nail ngaol. Yaqyov neq, oeqbal nail haqbhoil laol bhiq nail pha q pevq dai, oeqbal ya q juq

aqmaol bhao nail khe-ai, aivq iqsanl aqmaol bhao nail ngaol. Miqyail aivq bhai aqsivq haqjoil nail lavqkhoel bhai aol nail oeqbal bhai yalkhaq bhi dal lee-a nail ngaol. ⁴ Aqsivq haqjoil nail haoqnao maq tsaothe-ail, Aqhaqlal Miqyail nail haoqnao tsaothe nail ngadao juq nail lavqkhoel bhai, aoldaoq kovqdaoq ge-ai thaq nail khe-ai bhee lal dai, aivq alhai nl-a nail ngaol.

⁵ Khul khi mail dai ngal-aq neq, aqsivq haqjoil bhai tavq nail tsaol-aq neq, aqsivq haqjoil phao khe ganl bhai noeq cov-ai thaq nail neema aol nail ngaol. Thailhai ngaol-aq, Aqhaqlal Miqyail bhai tavq nail tsaol-aq neq, Aqhaqlal Miqyail bhai tavq nail phaqaq bhai noeq cov-ai thaq nail ngaol. ⁶ Aqsivq haqjoil phao khe ganl bhai noeq cov-ai thaq nail tsaol-aq juq neq, ya sil nail ngaol. Aqhaqlal Miqyail bhai noeq cov-ai thaq nail tsaol-aq juq neq, aqdoevq doevq nail phaqaq khi mail neesal-ovq nail phaqaq ya nail ngaol.

⁷ Khul khi mail dai ngal-aq, aqsivq haqjoil phao tavq nail ganl bhai noeq cov-ai thaq nail neema neq, Miqyail bhai genl dev nail ngaol. Alheel nail neema neq, Miqyail nail aoldaoq kovqdaoq nail kov-uvq bhai maq jaol nail nee ovqtavq, jaol khi ngaol-aq, maq jaol nia-ail. ⁸ Aqsivq haqjoil nail haoqnao tsaothe nail tsaol-aq juq neq, Miqyail neema tsaq dai, maq nl nia-ail.

⁹ Miqyail nail Aqhaqlal nuljuq nail lavqkhoel bhai maldil jaol haq neq, nuljuq aqsivq haqjoil nail neekhaol haoqnao maq tsaothe-ail. Aqhaqlal Miqyail nail haoqnao tsaothe nail ngaol. Thailhai ngaol-aq, tsaol-aq teevq gaq nail lavqkhoel Khali nail Aqhaqlal maq jaol haq

neq, tsaol-aq al gaq Khali nee maq tavq-ail. ¹⁰ Khali nuljuq nail lavqkhoel bhai jaol haq neq, oeqbal bhaqda nee aqmaol sil khi ngaol-aog, tsaq nail daol nail pha q bhaqda nee, aqhaqlal ya doevq nail ngaol. ¹¹ Al ovqtavq, Yeiqsul bhai gaoq bhi doevq kovq lal-a nail Miqyail nail Aqhaqlal nuljuq nail lavqkhoel bhai jaol haq neq, Yeiqsul bhai gaoq bhi doevq kovq lal-a nail khe-ai, Miqyail nuljuq nail sil nia nail aqmaol bhai iqsanl, gaoq bhi doevq kovq lal nail ngaol. Aivq nuljuq nail lavqkhoel bhai jaol nail aivq nail Aqhaqlal bhai juq khi alhai nl nail ngaol.

¹² Aqivq jaqbheq juq-ol, ngadao juq neq gailjiov bavq nail tsaol-aq juq ngaol. Thailhai ngaol-aog, aqsivq haqjoil nail neekhaol sil dai nl nail haqbhoil bavq nail maq ngel-ail. ¹³ Khul khi mail dai ngal-aq, nuljuq aqsivq haqjoil nail haoqnao doevq haq neq, ya sil nail ngaol. Thailhai ngaol-aog, Aqhaqlal Miqyail bhai juq khi yovqgavq nail oeqbal nl nail aqsivq haqjoil nail neekhaol bhai dev ceiv haq neq, ya doevq nail ngaol. ¹⁴ Miqyail nail Aqhaqlal-i mail hevqdaiq bhiq nail tsaol-aq neq, Miqyail nail yaq ngaol. ¹⁵ Khul khi mail dai ngal-aq, Miqyail nuljuq bhai yaqkav nail neema bivq lavq-a nail maq ngel-ail. Neema al aol haq neq, geesil nail ngaol. Miqyail nuljuq bhai Aqhaqlal Miqyail nail lavqkhoel nee aivq nail yaq nail neema bivq lavq-a nail ngaol. Alheel ngel-i mail, "Aqbhu-ol, ngaq nail aqbhu-ol" dai, ngadao aivq bhai khul kivq nail ngaol. ¹⁶ Ngadao juq neq, Miqyail nail yaq ngaol dai, Aqhaqlal Miqyail khi mail ngadao nail aqhaqlal teevq gaq khe-ai, salkhil khanq nail

ngaol. ¹⁷ Ngadao neq aivq nail yaq pevq nail ngel-i mail, aivq nail jaiqbhoil ovq nail tsaol-aq ngaol. Miqyail-i mail Khali bhai bivq nail dai khi, lainq-ai thaq nail jaiqbhoil iqsanl, Khali nee mail teevq gaq khe-ai ngadao ya nail ngaol. Khul khi mail dai ngal-aq, khoeq nail jiovq nail pha q bhai Khali nee mail teevq gaq khe-ai ngadao daq haq neq, aivq nee mail teevq gaq khe-ai seiqleiq khaoqsail ya nail ngaol.

Seiqleiq khaoqsail ya nail ganl

¹⁸ Yeel niil yeel nail lavqkhoel bhai ya haq ya aoq nail pha q neq, yaqhao ngadao bhai bivq lavq nail seiqleiq khaoqsail nee maq tsiq ceiv tsaol-ail dai, ngal noeq duq-ai tha q nail ngaol.

¹⁹ Miqyail-i mail teivq-ai tha q nail yaoq pha q yaoq-ao nee, Miqyail nail ya q juq bhaqlaoq kheq dai dov lee nail bhai ya moel dai, noeqthunq khi daonq thailthaiq nail ngaol. ²⁰ Teivq-ai tha q nail yaoq pha q yaoq-ao nee, lav cov nail pha q bhai, niil aq-il kev dai, da q thailthaiq nail ngaol. Aqyu juq alhai da q movq jaol movq nail ngel-i mail, maq ngel-ail. Miqyail-i mail alhai bhi jaol-a nail ngel-i mail ngaol. ²¹ Thailhai ngaol-aoq, aqyu juq noeqthunq nail pha q niailhai jia v nail ngaol. Khal teivq-ai tha q nail yaoq pha q yaoq-ao nee lav cov nail pha q nail kov-uvq nee ya jel-ail khi, Miqyail nail ya q juq seiqleiq khaoqsail bhai ya aol lai dai, aqyu juq noeqthunq nail ngaol.

²² Khal teivq-ai tha q nail yaoq pha q yaoq-ao nee mail niil aq-il kev dai, ya q bhao-u nal nail khe-ai, maq da q tsaol-ail tev thail meel thailthaiq nail ngaol dai, ngadao heeq kivq nail ngaol.

²³ Teivq-ai thaq nail pha q taivq-ail ma q ngel nail, Mi qyail-i mail iqmoe q ilmoe q bivq lavq-a nail kovpavq pevq nail Aqhaqlal Mi qyail bhai ya-a nail ngadao ju q iqsanl, Mi qyail nail ya q maldil pevq lal khi, aqmaol niil ya jel-ail khi phal lal nail bhai daonq thailthai q-u phao, neema lavqkhoel bhai ne q, tev thail meel thailthai q nail ngaol. ²⁴ Ngadao hevqkovq nail pha q ya ga q-u phao maldil ya jel-ail khi phal lal nail ngaol dai, noeqthunq khi daonq thailthai q nail ngaol. Alheel ngel-i mail, noeqthunq-ai tha q nail pha q bhai ya moel ha q ne q, ma q noeqthunq ya oq-aol. Ya moel-a oq nail pha q bhai kha q sil ga q ga oq noeqthunq nail-ai q. ²⁵ Thailhai ngaol-a oq, ngadao ma q ya moel ha q nail pha q bhai noeqthunq nail ngel ha q ne q, ol ol-ail ya daonq nail ngaol.

²⁶ Alhai dul dai, ngadao ga q bha q-u phao, Aqhaqlal Mi qyail tsa oja o-ai lavq nail ngaol. Geeqlao q khalhai ya hal nail dai, ngadao ma q hee q kivq-ail. Thailhai ngaol-a oq, Aqhaqlal Mi qyail ne q, da oq ma q bhao dai, ngadao nail haqbhoil Mi qyail bhai meel meel-ail geeqlao q hal deede e nail ngaol. ²⁷ Tsaol-a q ya q nail neema bhai tsaotse l dai q nail Mi qyail ne q, Aqhaqlal Mi qyail nail neema bhai hee q nia nail ngaol. Khul khi mail dai ngal-a q ne q, Mi qyail neema tsa q nail khe-ai, Mi qyail nail tsaol-a q nail haqbhoil Aqhaqlal Mi qyail geeqlao q hal nail ngaol.

²⁸ Mi qyail bhai khal gai q-a nail tsaol-a q nail haqbhoil, iqsanl nail lavqkhoel aivq aqmee q pha q bhi dov lal nail ngaol dai, ngadao hee q kivq nail ngaol. Mi qyail-i mail noeqceiv-ai tha q nail

khe-ai, aivq tsaol-aq al juq bhai khul-a nail ngaol. ²⁹ Aivq nail Yaqyov khe-ai dul lai dai, iqmoeq-u nee mail Miqyail heeq nia nail tsaol-aq bhai aivq tsel dov-ai thaq nail ngaol. Yaqyov al gaq bhai, aqivq jaqbheq maodai gaq nail kovtavq bhai aqivq bhi jiovq nail dai khi, Miqyail alhai nl-a nail ngaol. ³⁰ Iqmoeq-u nee Miqyail aivq-i mail tsel dov-ai thaq nail tsaol-aq bhai aivq khul-a nail ngaol. Khul-ai thaq nail tsaol-aq al juq bhai aivq tsaq nail daol nail tsaol-aq bhi pevq lal-a nail ngaol. Tsaq nail daol nail tsaol-aq bhi pevq lal-a nail al juq bhai, aivq nail seiqleiq khaoqsail bivq-a nail ngaol.

Yeiqsul nail lavqkhoel bhai ya moel nail Miqyail nail gaiq-a nail pha

³¹ Alheel ngel-i mail, ganl al juq bhai khul ge duq jiaiv nail-aiq. Ngadao jaol nail phao Miqyail jaol haq neq, yaoq phao yaoq khaq sil gaq jaol khi lav tsoiq nia nail-aiq. ³² Miqyail neq, “Ngaq nail Yaqyov maq bhi cov-ail” dai, maq ge mail, ngadao iqsanl nail haqbhoil aivq nail Yaqyov bivq lavq-a nail ngaol. Thailhai phal-iq neq, aivq nail Yaqyov nee mail teevq gaq khe-ai, aivq khal jiaiv nail yaoq pha q yaoq-ao nee ngadao bhai bivq lavq nail maq ngel-ail lai. ³³ Miqyail-i mail tsel dov-ai thaq nail tsaol-aq juq nail kovtavq bhai khaq sil gaq oeqbal thaq nia nail-aiq. Miqyail thaq nia nail ngaol. Thailhai ngaol-aq, Miqyail neq, ngadao bhai oeqbal maq tha q dai, tsaq nail daol nail tsaol-aq bhi pevq lal lavq-a nail ngaol. ³⁴ Khaq sil gaq ngadao bhai ya sil naol dai, yalkhaq gaoq dal nia nail-aiq. Yeiqsul

Khali dal nia nail ngaol. Thailhai ngaol-aoq, aivq neq, yalkhaq maq dal dai, ngadao nail haqbhoil khaqsil-a nail ngaol. Aivq sil-a nail teevq-eel maq ngel-ail. Aivq gaoq doevq kovq lal-a nail ngaol. Al ovqtavq, Miqyail nail lavqmal phao jaoldeel khi mail, ngadao nail haqbhoil geeqlaoq hal thailthaiq nail ngaol. ³⁵ Khali nail goil nail gaiq-a nail lavqkhoel ngadao jaol-u phao, khul pha q ngadao juq bhai lav pav nia nail-aiq. Haq nail aoq nail pha q, noeq dee noeq deel nail pha q, khoeq nail jiovq nail pha q, moevq nail sivq nail pha q, aqgaq aqdoi maq jia v nail pha q, geesil nail pha q, thaoma-i mail heivq lavq nail niil juq laiq.

³⁶ Jalliq lavqkhoel bhai gevq-ai tha q nail khe-ai,

“Naoq nail haqbhoil

teevq n n lao

nvjuq heivq nail

bhai ya daq

thailthaiq nail ngaol.

Heivq naol dai,

ge ceiv-ai tha q nail

yaol khe-ai,

yu nvjuq bhai

saol-nvq-ai

tha q nail ngaol” dai,

gevq-ai tha q nail ngaol.

³⁷ Thailhai ngaol-aoq, ngadao bhai gaiq-a nail ga q bha qda nee, al juq iqsanl bhai ngadao ga q gil lai-a nail ngaol. ³⁸ Khul khi mail dai ngal-aq neq, sil nail pha q maqkhaiq, do-

evq nail pha q maqkhaiq, nqtavq ga qkhoel maqkhaiq, nqtavq khi miltsaq nail gaiqlaq bhai uvthaiq nail juq maqkhaiq, niil aq-il jia v

nail khul phaḡ maḡkhaiḡ, yaḡhao jiaḡ lee nail khul phaḡ maḡkhaiḡ, bhaḡaoḡ khul phaḡ maḡkhaiḡ, ³⁹ daḡmoe phaḡ maḡkhaiḡ, aḡnavḡ phaḡ maḡkhaiḡ, khal teivḡ-ai thaḡ nail yaḡḡ phaḡ yaḡḡ-ao nee maḡkhaiḡ, ngadao nail Hee-ḡphaḡ Yeiqsul Khali bhaḡda nee, Miḡyail nail goil nail ḡaiḡ-a nail lavḡkhoel, ngadao bhai maḡ lav pav nia-ail dai, ngal neema thaḡtsaol nail ngaol.

9

Miḡyail Ilsaḡleiḡlal nail jeḡ-e bhai tsel dov-a nail ḡanl

¹ Ngala Yeiqsul Khali nail sivaḡḡ bhai maldil tsaḡ nail phaḡ ḡe nail ngaol. Ngala ḡoiḡbhaḡḡ maḡ bhaḡḡ. Meeḡnail Haolnail Aḡhaḡlal bhaḡda nee, ngaḡ nail heeḡ nia nail neema iqsanl, ngaḡ-ai nee mail salkhil khaḡḡ nail ngaol. ² Ngaḡ nail neema lavḡkhoel bhai noeḡhaḡ deedeḡ khi khaḡ maḡ iqsanl khaḡḡlaol-ail nial. ³ Ngaḡ nail jeḡ-e jaḡ-a ngaḡ nail aḡivaḡ jaḡbheḡ nail haḡbhoil, ngala Khali nee ḡaoḡ ceiv ceiv-ail khi Miḡyail-i mail iqkhail yaḡḡ nail bhai daḡ movḡ nail neema aol-ail nial. ⁴ Aḡyu juḡ neḡ, Ilsaḡleiḡlal nail tsaol-aḡ ngaol. Aḡyu juḡ neḡ, Miḡyail-i mail tsel dov-ai thaḡ nail tsaol-aḡ pevḡ lal-a nail maḡkhaiḡ, Miḡyail nail seiḡleiḡ khaḡḡsail maḡkhaiḡ, daḡḡma saljial maḡkhaiḡ, aoldaḡḡ kovḡdaḡḡ maḡkhaiḡ, uḡhuḡ thaḡḡ nail aol maḡkhaiḡ, Miḡyail nail saljial maḡkhaiḡ, iqsanl mail ya-a nail tsaol-aḡ pevḡ nail ngaol. ⁵ Aḡyu juḡ neḡ, aḡmil dov nail Ilsaḡleiḡlal nail

tσαολ-αϑ nail αϑϕηιϑ αϑβηαλ αλ ιυϑ nail ονϑ nee jeq lee el lee-a nail tσαολ-αϑ ιυϑ ngaol. Aϑσινϑ ηαϑιοιλ ϕαο nee ge ηαϑ neq, Khali iqsanl αϑυυ ιυϑ nail jeq-e ιαϑ-a πενϑ nail ngaol. Aivq neq, iqsanl nail kovtavq βηαι υνθηαιϑ nail Μιϑυαιλ ngaol. Aivq βηαι νϑμαϑ μαϑλυν ηαλυeel τσιϑeeq βηel. Aϑμιϑ.

⁶ Μιϑυαιλ nail δαοϑ neq, λυϑ-αιλ seiλ-αιλ nail μαϑ νγελ-αιλ. Khul khi mail δαι νγαλ-αϑ neq, Il-σαϑλειϑλαιλ nail jeq-e ιαϑ-a iqsanl mail, Ilσαϑλειϑλαιλ nail tσαολ-αϑ μαλδιλ πενϑ nail μαϑ νγελ-αιλ.

⁷ Aϑβηαϑλαϑηαϑ nail jeq-e ιαϑ-a iqsanl βηαι, aivq nail jeq-e ιαϑ-a ngaol δαι, μαϑ ge νια-αιλ. “Ilcav nail ονϑ nee δοevϑ lee-a nail ιυϑ βηαι ταivϑ-αιλ ναοϑ nail jeq-e ιαϑ-a ngaol δαι, σαολ-ννϑ βηιϑ ναολ” δαι, Μιϑυαιλ Aϑβηαϑλαϑηαϑ βηαι ge βηιϑ-αι θηαϑ nail ngaol. ⁸ Νιαιληαι ge movϑ-αιλ νιαλ. Aϑσινϑ ηαϑιοιλ nee δοevϑ lee-a nail jeq-e ιαϑ-a ιυϑ neq, Μιϑυαιλ nail ιαϑ πενϑ nail μαϑ νγελ-αιλ. Δαοϑμα σαλγιαλ ιαϑ-αι θηαϑ nail κηe-αι, δοevϑ lee-a nail ιυϑ ταivϑ-αιλ Aϑβηαϑλαϑηαϑ nail ιαϑ ngaol δαι, σαολ-ννϑ-αι θηαϑ nail ngaol. ⁹ Khul khi mail δαι νγαλ-αϑ neq, Μιϑυαιλ Aϑβηαϑλαϑηαϑ βηαι σαλγιαλ νιαιληαι ιαϑ-a nail ngaol: “Ναϑυαϑ kovϑ νιιλ ιανϑ βηαι, νγαλ τεevϑ pov γαοϑ lee ναολ. Aϑ-u ϕαο, ναοϑ nail κηαϑμα Σαϑλαλ ιαϑυov τεevϑ γαϑ τσιϑ nail ngaol” δαι, ge βηιϑ-a nail ngaol.

¹⁰ Al ονϑtavϑ, Leiϑβηαιλκavϑ iqsanl, νγαδαιο nail αϑβηυ Ilcav βηαι μαολ αιλ khi, ιαϑ ceiv lai-a nail ngaol. Ιαϑ ceiv lai-a nail αλ neq, ννϑ γαϑ βηee nail ngaol. ¹¹⁻¹² Ιαϑ αλ ννϑ γαϑ αϑμeeϑ ϕηαϑ iqsanl αϑδοιλ ϕηαϑ iqsanl μαϑ νλ ηαϑ-αλ.

Miqyail tsaol-aq yaq bhai tsel dov-u phao, aqyu juq nl nail hal nail bhai heldaiq khi tsel dov nail maq ngel-ail. Miqyail-i mail noeqceiv-ai thaq nail khe-ai bhee lal dai, aivq-i mail khul-a nail tsaol-aq bhai taivq-ail tsel dov nail ngaol dai, bhi heeq nia nail haqbhoil, “Aqivq gaq neq, jaqbheq gaq nail yaqkav ya jiovq naol” dai, Miqyail aqma gaq bhai ge bhiq-a nail ngaol. ¹³ Jalliq lavqkhoel bhai gevq-ai thaq nail khe-ai,

“Ngal Yaqkov

bhai gaiq-a khi,

Ilsaol bhai bhe naol” dai,

gevq-ai thaq nail ngaol.

¹⁴ Alheel ngel-i mail, ngadao khul ge duq jiaiv nail-aiq. Miqyail maq tsaq maq daol-ail laiq. Maq ngel-ail dei-eiq. ¹⁵ Khul khi mail dai ngal-aq neq, aivq Molsei q bhai ge bhiq-a nail:

“Ngal geeqlaoq eeljaol

bivq movq nail juq bhai

geeqlaoq eeljaol bivq khi,

ngal gaoqhaq gaiq-a

movq nail juq bhai

gaoqhaq gaiq-a naol” dai,

ge bhiq-a nail ngaol.

¹⁶ Alheel ngel-i mail, tsaol-aq yaq nail neekhaol oil movq nail bhaqda nee tsel dov lavq nail maq ngel-ail. Laijai-a nail bhaqda nee iqsanl tsel dov lavq-a nail maq ngel-ail. Miqyail nail gaoq haq gaiq-a nail pha q bhaqda nee taivq-ail tsel dov lavq-a nail ngaol. ¹⁷ Jalliq lavqkhoel bhai Iljiltuv milkhaoq khe heeqphaq bhai niailhai ge bhiq-ai thaq nail jiaiv nail ngaol:

“Ngaq nail bhaqaoq neq, naoq nail bhaqaoq nee maqtsil eeq jaiq nail ngaol dai, bhi dov lai khi, milkhaoq doi dai, ngaq nail aqmil bhi gaiq doi ail nail haqbhoil, ngal naoq bhai heeqphaq bhi jiovq-a nail ngaol” dai, ge-ai thaq nail ngaol. ¹⁸ Alheel ngel-i mail, Miqyail neq, aivq gaoqhaq gaiq-a movq nail juq bhai gaoqhaq gaiq-a khi, neema bhi gaol movq nail juq bhai bhi gaol nail ngaol.

¹⁹ “Thailhai phal-iq neq, khul khi mail Miqyail oeqbal gaoq thaq lavq nail-aiq. Aivq nail neema tsaq nail pha q bhai khaq sil gaq lav tsoiq nia nail-aiq” dai, nuljuq ngaq bhai naldaiq movq-ail jaol-aq. ²⁰ Miqyail bhai daoq kovq kovq nail tsaol-aq ol, naol neq, khalheel nail tsaol-aq pevq nail-aiq. “Khul khi mail naol ngaq bhai niailhai teivq lavq-a nail-aiq” dai, iqloaq neq, teivq-a nail gaq bhai ge lai nia naol laiq. ²¹ Iqlaoq lav sav nail gaq, iqloaq lav sav nail miltsaq bhai khal lav sav movq nail khe-ai lav sav nia nail maq ngel-ail laiq. Miltsaq teevq loe bhai, aqphoiq bhao nail iqloaq teevq heeq lav sav nail maqkhaiq, aqphoiq maq bhao nail iqloaq teevq heeq lav sav nail maqkhaiq, aivq bhai jiav nail maq ngel-ail laiq.

²² Miqyail-i mail ni nail pha q iqsanl alhai dul nail ngaol. Aivq nail neema phail nail pha q bhi moel movq khi, aivq nail bhaqaoq bhai bhi heeq nia movq-ail bhicq nail ngaol. Thailhai ngaol-aq, aivq neema phail khi lav luq lav seil-ail bhicq nail dai, lainq-ai tha q nail iqloaq juq bhai ol ol-ail jaol nail ngaol. ²³ Seiqlaiq khaoqsail ya dai, iqmoeq-u nee mail lav sav-ai tha q nail, aivq

gaoqhaq gaiq-a nail iqlaoq juq bhai, aivq nail seiqlaiq khaoqsail khadai eeq khadai heel nail dai bhi moel movq nail ngaol. ²⁴ Miqyail ngadao juq bhai, alheel nail iqlaoq pevq lal dai, khul-ai thaq nail ngaol. Yuldav nail tsaol-aq juq nail lavqkhoel bhai taivq-ail khul-a nail maq ngel-ail. Yu nail jeq-e jaq-a nail lavqkhoel bhai iqsanl khul-a nail ngaol. ²⁵ Alhai dul dai, yu nail jeq-e jaq-a nail ganl, Miqyail nail haqbhoil gedan nail Holseiq-i mail gevq-ai thaq nail haoqgavq lavqkhoel Miqyail ge nail:

“Ngaq nail jeq-e jaq-a
maq ngel nail juq bhai
ngaq nail jeq-e jaq-a
ngaol dai, khul khi,
ngal maq gaiq-a nail
jeq-e jaq-a bhai,
ngal gaiq-a nail juq dai,
khul nail ngaol.

²⁶ Nuljuq neq,
ngaq nail jeq-e jaq-a
maq ngel-ail dai,
aivq-i mail ge-a nail
aqduq bhai nuljuq neq,
doevq nail Miqyail nail
yaq ngaol dai,
gaoq mil phal
bhiq naol” dai,

ge-ai thaq nail ngaol.

²⁷ Miqyail nail haqbhoil gedan nail Ilsaqyal iqsanl Ilsaqlaiqlal nail jeq-e jaq-a nail ganl niail-hai ge-ai thaq nail ngaol:

“Ilsaqlaiqlal nail

tsaol-aq neq,
 iqyaq iqma nail
 tsalhail khe-ai,
 mao khi ngaol-aog,
 hevqkovq nail pha
 ya nail tsaol-aq neq,
 micil teevq-eel ngaol.

²⁸ Khul khi mail dai
 ngal-aq neq,
 Heeqphaq Miqyail
 miltsaq kovtavq bhai
 aivq nail daoq
 bhee lal dai,
 phal lal nail pha
 maq jiav dai,
 lavqtsail mail
 nl nail ngaol” dai,

ge-ai thaq nail ngaol. ²⁹ Ilsaqyal gaoq ge nail:
 “Bhaqaoq eeq nail
 Heeqphaq Miqyail
 ngadao juq nail
 haqbhoil
 jeq-e jaq-a
 maq bhi doevq-ail
 ceevq-al nul neq,
 ngadao Saoldoq meenq
 khe-ai pevq-ail khi,
 Gaolmaollav
 meenq khe-ai,
 dul nail ngaol” dai,
 ge-ai thaq nail ngaol.

*Ilsaqleiqal nail jeq-e jaq-a khi mail lavqkhiq
 tsail nail geeqlaoq daoq nail ganl*

³⁰ Ngadao khul ge duq jiav nail-aiq. Yu nail jeq-e jaq-a tsaq nail daol nail phaḡ bhai maḡ halpov khi ngaol-aog, tsaq nail daol nail phaḡ ya-a nail ngaol. Ngal niailhai ge nail neq, neema thaḡtsaol nail ngel-i mail ya-a nail tsaq nail daol nail phaḡ bhai ge nail ngaol. ³¹ Thailhai ngaol-aog, Ilsaḡleiqḡal nail tsaol-aq juḡ neq, aoldaoḡ kovḡdaoḡ bhai tavḡ nail tsaq nail daol nail phaḡ bhai halpov khi ngaol-aog, maḡ halpov moel-al. ³² Khul khi mail maḡ halpov moel thaḡ nail dai ge haḡ neq, neema thaḡtsaol nail phaḡ bhai maḡ juḡ dai, nl nail hal nail phaḡ bhai taivḡ-ail juḡ nail ngel-i mail ngaol. Alheel ngel-i mail tsaol-aq yaḡ phaḡthiq thiq nail lovmav bhai aḡyu juḡ iḡsanl phaḡthiq thiq nail ngaol. ³³ Jalliq lavḡkhoel bhai gevḡ-ai thaḡ nail khe-ai:

“Tsaol-aq phaḡthiq
 bhi thiq khi,
 bhi bavḡ tsuḡ-ail nail
 lovmav,
 ngal Yeel-ovḡ gaogḡaoḡ
 bhai bhi jiav naol.
 Thailhai ngaol-aog,
 aivḡ bhai neema
 khal thaḡtsaol nail
 tsaol-aq maḡ ya
 haḡsil-ail” dai,
 gevḡ-ai thaḡ nail ngaol.

10

¹ Aḡivḡ jaḡbheḡ juḡ-ol, Ilsaḡleiqḡal nail tsaol-aq hevḡkovḡ nail phaḡ ya dai, ngaḡ nail neema lavḡkhoel nee aḡyu juḡ nail haḡbhoil Miḡyail

bhai geeqlaoq hal nail ngaol. ² Aqyu juq Miqyail nail haqbhoil neema kev deede nail ngaol dai, ngal ge kivq nail ngaol. Thailhai ngaol-aog, aqyu juq heeq nia khi neema kev nail maq ngel-ail. ³ Aqyu juq neq, Miqyail nail tsaq nail daol nail pha q bhai maq heeq nia-ail, yovqgavq nail tsaq nail daol nail pha q bhai nl dov nail ngaol. Alheel ngel-i mail, aqyu juq Miqyail nail tsaq nail daol nail pha q nail kov-uvq bhai maq jaol movq-ail bhiq-ail. ⁴ Khul khi mail dai ngal-aq neq, aivq bhai neema khal tha qtsaol nail tsaol-aq iqsanl mail, tsaq nail daol nail tsaol-aq pevq lal dai, Yeiqsul Khali neq, aoldaoq kovqdaoq bhai nl gil lee-a nail ngaol.

Hevqkovq nail pha q neq, tsaol-aq iqsanl nail haqbhoil pevq nail ngaol

⁵ Aoldaoq kovqdaoq bhai tavq nail tsaq nail daol nail pha q nail ganl bhai Molseiq niailhai gevq-ai tha q nail ngaol: Aoldaoq Kovqdaoq nail lavqkhoel bhai gevq-ai tha q nail khe-ai nl nail tsaol-aq neq, aqdoevq ya doevq nail ngaol dai, Molseiq-i mail gevq-ai tha q nail, jiav nail ngaol. ⁶⁻⁷ Thailhai ngaol-aog, neema tha qtsaol nail pha q bhai tavq nail tsaq nail daol nail pha q neq, niailhai ge nail ngaol: “Nqtavq bhai kha q sil ga q dav lai nail-aiq. Aqnavq mao-ail navq nail bha kha q sil ga q aol ail nail-aiq dai, neema lavqkhoel bhai tha q saol-nvq-o” dai, ge nail ngaol. Niailhai ge nail neq, Khali bhai hevq lai nail dai khi, nqtavq bha kha sil ga q dav lai nail-aiq. Khali bhai bhi doevq kovq lal nail dai khi, mao-ail navq nail bhai kha q sil ga q aol ail nail-aiq dai, ge movq

nail ngaol. ⁸ Neema thaqtsaol nail phaḡ bhai tavḡ nail tsaḡ nail daol nail phaḡ neḡ, khalhai ge nail ngel-aiḡ.

“Daoḡ niil daoḡ neḡ, nuljuḡ nee aḡjail jail deedee nail ngaol. Naoḡ nail moeqthaoḡ lavḡkhoel bhai iḡsanl, naoḡ nail neema lavḡkhoel bhai iḡsanl aol nail ngaol” dai, ge nail ngaol. Daoḡ niil daoḡ neḡ, nvjuḡ-i mail cavḡ nail neema thaqtsaol nail phaḡ bhai tavḡ nail daoḡ bhai, ge movḡ nail ngaol. ⁹ “Yeiqsul neḡ, Heeqphaḡ ngaol” dai, naoḡ nail moeqthaoḡ khanḡ khi, “Miqyail aivḡ bhai bhi doevḡ kovḡ lal-a nail ngaol” dai, naoḡ nail neema lavḡkhoel nee neema thaqtsaol haḡ neḡ, Miqyail naoḡ bhai hevḡkovḡ lavḡ nail ngaol. ¹⁰ Neema lavḡkhoel nee neema thaqtsaol nail ngel-i mail, Miqyail nail sivtavḡ bhai tsaḡ nail daol nail tsaol-aḡ pevḡ lal khi, moeqthaoḡ khanḡ-a nail ngel-i mail, hevḡkovḡ nail phaḡ ya-a nail ngaol.

¹¹ “Aivḡ bhai neema khal thaqtsaol nail tsaol-aḡ iḡsanl mail maḡ ya haḡsil-ail” dai,

Jalliq lavḡkhoel bhai gevḡ-ai thaḡ nail ngaol.

¹² Yuldav nail tsaol-aḡ khi yu nail jeḡ-e jaḡ-a dai, maḡ saol-nvḡ pav-ail. Tsaol-aḡ iḡsanl bhai uvthaiḡ nail Heeqphaḡ teevḡ gaḡ taiḡvḡ-ail jaol khi, aivḡ bhai khal hal nail tsaol-aḡ iḡsanl bhai Miqyail geeḡlaoḡ teevḡ bhee bivḡ nail ngaol.

¹³ Jalliq lavḡkhoel bhai gevḡ-ai thaḡ nail khe-ai: “Heeqphaḡ Miqyail bhai gul khi khal thaḡ hal nail

yaoq gaq yaoq-ao nee bhai
 aivq hevqkovq
 bhiq nail ngaol” dai,
 gevq-ai thaq nail ngaol.

¹⁴ Thailhai ngaol-aoq, aivq bhai neema maq
 thaqtsaol haq neq, khalhai khi hal nail-aiq. Aivq
 nail ganl maq gaiq daiq haq neq, khalhai khi
 neema thaqtsaol lal nia nail-aiq. Daoq cavq cavq
 nail tsaol-aq maq jaol haq neq, khalhai khi gaiq
 nia nail-aiq. ¹⁵ Teevq gaq bhai iqsanl maq khoel
 gai-aivq haq neq, daoq cavq khalhai khi cavq-ail
 nia nail-aiq. Alhai dul dai,

“Lavqkhiq tsail nail
 geeqlaoq daoq
 cavq nail tsaol-aq
 lal-u phao,
 khadai meeq nail
 ngel-ail” dai,

Jalliq lavqkhoel bhai gevq-ai thaq nail ngaol.

¹⁶ Thailhai ngaol-aoq, tsaol-aq iqsanl mail
 lavqkhiq tsail nail geeqlaoq daoq bhai naldaiq
 nail maq ngel-ail.

“Heeqphaq-ol,
 nvjuq-i mail
 cavq nail daoq bhai
 khaq sil gaq neema
 thaqtsaol nail-aiq” dai,

Ilsaqyal iqsanl, ge-ai thaq nail ngaol.

¹⁷ Neema thaqtsaol nail juq neq, ya gaiq-a nail
 ngel-i mail, neema thaqtsaol lal-a nail ngaol. Ya
 gaiq-a nail al neq, Khali nail lavqkhiq tsail nail
 geeqlaoq daoq yu-i mail cavq bhiq-a nail ngel-
 i mail, ya gaiq-a nail ngaol. ¹⁸ Ilsaqleiqlal nail

tsaol-aq juq maq ya gaiq-al lai q dai, ngal naldaiq
movq-ail nial. Maldil ya gaiq-a nail ngaol. Jalliq
lavqkhoel bhai gevq-ai tha q nail khe-ai:

“Aqyu juq nail aqthel
milkhaoq doi dai
gaiq-ail khi,
aqyu juq-i mail
cavq bhiq-a nail daoq
nqjail miljail bha
kev ail-a nail ngaol” dai,
gevq-ai tha q nail ngaol.

¹⁹ Ilsaqlaiqlal nail tsaol-aq juq maq heeq nia-ail
lai q dai, ngal teevq pov gaoq naldaiq nail ngaol.
Molsei q-i mail ge-ai tha q nail:

“Nuljuq yu nail
jeq-e jaq-a bhai
maivjeel jeel nail
neema aol lal dai,
ngal nl naol.
Nuljuq neeno eq
neekha maq aol nail
jeq-e jaq-a bhai neema
phail lal dai iqsanl,
ngal nl naol” dai,

iqmo eq-u nee mail ge-ai tha q nail ngaol.

²⁰ Ilsa qyal iqsanl geesil nail neema maq aol dai,
Miqyail nail haqbhoil niailhai gedan-a nail ngaol:

“Ngaq bhai
maq halpov nail juq,
ngal aqyu juq bhai
bhiq moel-a nail ngaol.
Ngaq nail ganl maq
naldaiq nail juq bhai,

ngaq nail ganl bhi
 heeq nia naol" dai,
 ge-ai thaq nail ngaol.

²¹ Thailhai ngaol-aog, Ilsaqlaiqlal nail tsaol-aq
 nail ganl aivq ge nail:
 "Maq naldaiq mail
 daoq kovq kovq nail
 tsaol-aq bhai
 bhi lal nail dai khi,
 teevq n n lao-ail,
 ngal aqlavq tsiqkhail-ai
 thaq nail ngaol" dai,
 ge-ai thaq nail ngaol.

11

*Tsel dov-ai thaq nail Ilsaqlaiqlal nail tsaol-aq
 nail ganl*

¹ Thailhai phal-iq neq, Miqyail aivq nail jeq-e
 jaq-a bhai khaonq ha-a nail lai q dai, ngal naldaiq
 movq-ail nial. Teevq thal-iq maq khaonq ha-
 al. Ngal iqsanl Ilsaqlaiqlal nail tsaol-aq ngaol.
 Aqbhaqlaqhaq nail aqjievq lilheel nail lavqkhoel
 khe Bheiqyaqmiq nail jeq-e jaq-a ngaol. ² Iqmoeq
 ilmoeq-u nee aivq-i mail tsel dov-ai thaq nail jeq-
 e bhai aivq maq khaonq ha-ail. Miqyail nail
 haqbhoil gedan nail Eillilya-i mail Ilsaqlaiqlal
 nail tsaol-aq juq nail lai q nail pha q Miqyail bhai
 ge bhic-a nail ganl, Jalliq lavqkhoel-ai niailhai
 gevq-ai thaq nail bhai, nuljuq heeq nia nail
 ngaol: ³ "Heeqphaq-ol, naoq nail haqbhoil gedan
 nail tsaol-aq juq bhai aqyu juq heivq khi, naoq
 nail laol duq juq bhai aqyu juq deeq peiv-a nail

ngaol. Ngal teevq gaq taivq-ail jel-ail khi, ngaq bhai iqsanl aqyu juq heivq nail dai khi, laijai nail ngaol” dai, gevq-ai thaq nail ngaol. ⁴ Thailhai ngaol-aog, Miqyail aivq bhai khalhai ge kovq bhiq-a nail-aiq. “Bhaqlal dai mil-ai thaq nail thaoqphaoq aqma maolkhoel bhai uqhuq maq thaoq-a nail sivq hinl gaq ngaq nail haqbhoil bhi jaol-a nail ngaol” dai, ge kovq bhiq-a nail ngaol. ⁵ Alhai dul dai, niil aq-il iqsanl Miqyail nail geeqlaoq eeljaol bhaqda nee tsel dov-ai thaq nail tsaol-aq micil jaol-ai haq nail ngaol. ⁶ Geeqlaoq eeljaol bhaqda nee tsel dov-ai thaq nail ngel-i mail, nl nail hal nail pha q bhai maq tavq-ail. Nl nail hal nail pha q bhai tavq-ail nul neq, geeqlaoq eeljaol al neq, geeqlaoq eeljaol maq ngel yaoq-aol.

⁷ Thailhai phal-iq neq, khal heel-eeq. Il-saqleiqal nail tsaol-aq, aqyu juq-i mail halpov nail pha q bhai maq ya-al. Tsel dov-a nail tsaol-aq taivq-ail ya khi, maq tsel dov-a nail tsaol-aq neema gaol ail-a nail ngaol. ⁸ Jalliq lavqkhoel bhai gevq-ai thaq nail khe-ai:

“Yanqgaol kev dai,
 iqnoeq maq geel nail
 neema maqkhaiq,
 maq moel nia nail
 maivneev maqkhaiq,
 maq gaiq nia nail
 naqkhaol maqkhaiq,
 Miqyail aqyu
 juq nail lavqkhoel bhi
 pevq lal-a nail ngaol” dai,

gevq-ai thaq nail ngaol. ⁹ Daqbhil-i mail ge-ai
thaq nail niailhai jiav nail ngaol:

“Aqyu juq aqbhee
bhee-u phao,
lavqphee-i mail bhi
khail phee dei-eiq.
Aqyu juq tsuq-ail nail
lavqkhoel nee,
yu-i mail
khoeq bhiq nail bhai
ya daq dei-eiq.

¹⁰ Aqyu juq maivpeivq
peivq-ail khi,
maq moel nia dai
pevq-ail dei-eiq.
Aqyu juq neq,
yaqkav khe-ai
yu nail yalkav
ya phi nail bhaqda nee,
kaolceevq aqkhu khu dai,
pevq-ail dei-eiq” dai,
ge-ai thaq nail ngaol.

Yu nail jeq-e jaq-a hevqkovq nail phaqa ya-a nail ganl

¹¹ Yuldav nail tsaol-aq juq phaqtthiq thiq-u
phao, gaq tsuq-ail khi maq thul lal nia dai, pevq
ail-a nail lai dai, ngal naldaiq movq-ail nial.
Maq ngel-ail. Aqyu juq oeqbal nl-a nail bhaqda
nee, Miqyail aqyu juq bhai maivjeel bhi jeel nail
haqbhoil yu nail jeq-e jaq-a juq nail kovtavq bhai
hevqkovq nail phaqa bhi kev lee-a nail ngaol.

¹² Yuldav nail tsaol-aq juq oeqbal nl-a nail ngel-i mail, miltsaq yaq juq aqhaqlal phao hulmeeq mee q lal khi, aqyu juq-i mail sunq ail-a nail pha q iqsanl, yu nail jeq-e jaq-a aqhaqlal phao hulmeeq bhi mee q lal-a nail ngaol. Thailhai ngaol-a oq, yuldav tsaol-aq iqsanl Yeiqsul bhai neema thaqt saol khi hav bhoel haq neq, a dai nee maqtsil tsaol-aq yaq juq iqsanl mail, aqhaqlal phao hulmeeq gaoq mee q jai q lal nail ngaol.

¹³ Alheel ngel-i mail, yu nail jeq-e jaq-a pevq nail nuljuq bhai ngal niailhai ge bhiq nail ngaol. Ngal neq, yu nail jeq-e jaq-a nail haqbhoil gaqkhoel ngaol. Ngal ganl niilniai thaqeeq nail ngaol. ¹⁴ Ngal ganl niilniai thaqeeq nail neq, ngaq nail jeq-e jaq-a maivjeel jeel nail neema aol lal khi, aqyu juq teevq pav ganav juq hevqkovq nail pha q ya dai, ngal nl nail ngaol. ¹⁵ Khul khi mail dai ngal-aq neq, Ilsaqlaiqlal nail tsaol-aq Yeiqsul bhai khaonq ha nail ngel-i mail, miltsaq yaq Miqyail bhai tsaq lai jil lai haq neq, Ilsaqlaiqlal nail tsaol-aq Yeiqsul bhai gaoq hav bhoel kovq nail neq, gaoq bhi doevq kovq lal nail khe-ai dul nail, maq ngel-ail lai q. ¹⁶ Khaqmul iqmoeq ilmoeq lav sav-a nail heeq, Miqyail bhai bivq haq neq, khaqmul iqsanl mail Miqyail bhai danq bhiq-a nail pha q pevq nail ngaol. Aqbhaol teevq bhaol nail daoqtsail Miqyail bhai danq bhiq haq neq, lavqmeiv juq iqsanl, Miqyail nail pevq nail ngaol.

¹⁷ Miqyail lavqmeiv teevq pav ganav juq bhai dev ha khi, haqtsoiq bhai doevq nail saql oq aqbhaol nail lavqmeiv pevq nail nuljuq bhai, tsaol-aq-i mail kha-a nail saql oq aqbhaol bhai

cavq lavq-a nail nee ovqtavq, lavqmeiv yaoq juq yaoq khe-ai, khaqjiq bhai bhi suv lavq-a nail ngaol. ¹⁸ Thailhai phal-iq neq, lavqmeiv al juq nail kovtavq bhai eeq movq heel movq nail neema thaq aol. Eeq movq heel movq nail neema aol haq neq, niilniai saol-nvq dai yaoq. Daoqtsail nuljuq bhai juq juq-ail doevq nail maq ngel-ail. Nuljuq daoqtsail bhai juq juq-ail doevq nail ngaol. ¹⁹ “Ngal aqbhaol bhai ya cavq lai dai, lavqmeiv juq ya dev ha-a nail ngaol” dai, nuljuq ge movq ail jaol-aq. ²⁰ Tsaq naol. Aqyu juq neema maq thaqtsaol nail ngel-i mail, dev ha nail bhai ya daq-a nail ngaol. Nuljuq neema thaqtsaol nail ngel-i mail, ivq nail ngaol. Alheel ngel-i mail, neema thaq eeq, yaolphaol yaoq. ²¹ Khul khi mail dai ngal-aq neq, tsaol-aq-i mail kha-a nail saqlaq lavqmeiv bhai Miqyail maq bhi covq haq neq, nuljuq bhai iqsanl maq bhi covq lavq-ail.

²² Miqyail nail geeqlaoq eeljaol khi aivq-i mail yalkhaq dal nail pha q bhai saol-nvq daiq yaoq. Aivq bhai khaonq ha nail tsaol-aq bhai aivq yalkhaq dal bhiq nail ngaol. Thailhai ngaol-aq, nuljuq aivq nail geeqlaoq eeljaol nail lavqkhoel bhai jaol haq neq, aivq nail geeqlaoq eeljaol nuljuq nail kovtavq bhai jiav nail ngaol. Maq jaol haq neq, aivq nuljuq bhai iqsanl dev ha lavq nail ngaol. ²³ Tsaol-aq al juq iqsanl neema gaoq thaqtsaol lal haq neq, Miqyail aqyu juq bhai aqbhaol bhai gaoq bhi cavq kovq lai nail ngaol. Khul khi mail dai ngal-aq neq, aqyu juq bhai teevq pov gaoq cavq kovq lai dai, Miqyail nl nia nail ngaol. ²⁴ Aol maq jiav khi ngaol-aq, haqtsoiq bhai doevq nail saqlaq aqbhaol

lavqkhoel khe nuljuq bhai dev khi, kha-a nail saqlaq aqbhaol bhai cavq lavq-a nail ngaol. Thailhai phal-iq neq, kha-a nail saqlaq lavqmeiv juq neq, yovqgavq nail aqbhaol bhai cavq lai jaiq nail ngaol.

Ilsaqlaiqlal nail tsaol-aq bhai gaoq hav kovq nail ganl

²⁵ Aqivq jaqbheq juq-ol, nuljuq yovqgavq nail neenoq neekha bhai maq ya juq dai, oil tsail-ai thaq nail ganl niil nuljuq bhai bhi heeq kivq movq-ail nial. Miqyail-i mail noeqceiv-ai thaq nail khe-ai, yu nail jeq-e jaq-a hevqkovq nail pha q ya nail tsaol-aq juq bhee lal-u phao kev dai, Ilsaqlaiqlal nail tsaol-aq teevq pav ganav juq neq neema gaol-ai haq nail ngaol. ²⁶ Yu nail jeq-e jaq-a hevqkovq nail pha q bhai ya haq neq, Ilsaqlaiqlal nail tsaol-aq iqsanl hevqkovq nail pha q ya nail ngaol. Jalliq lavqkhoel bhai gevq-ai tha q nail khe-ai:

“Hevqkovq nail ga q neq,

Yeel-ovq gaoqjaoq

nee dov lee khi,

Ya qkov nail

jeq-e jaq-a* nail

lavqkhoel khe

ha qeiv nail pha q bhai

oil ha nail ngaol.

²⁷ Ngal aqyu juq nail

oeqbal oil ha-u phao,

al neq,

* **11:26** 11.26 Ya qkov nail jeq-e jaq-a Ilsaqlaiqlal nail tsaol-aq bhai ge nail ngaol.

ngal aqyu juq bhai
 jaq bhiq-a nail
 daoqma saljial
 pevq nail ngaol” dai,

gevq-ai thaq nail ngaol.

²⁸ Yuldav nail tsaol-aq lavqkhiq tsail nail geeqlaoq daoq maq hav bhoel-a nail bhaqda nee, nuljuq geeqlaoq ya nia dai, aqyu juq Miqyail bhai neejlav jlav nail tsaol-aq pevq lal-a nail ngaol. Thailhai ngaol-aq, Miqyail-i mail tsel dov-ai thaq nail bhai saol-nvq haq neq, aqyu juq nail aqphiq aqbhal juq bhaqda nee, Miqyail gaiq-a nail tsaol-aq pevq lal-a nail ngaol. ²⁹ Aivq-i mail aqnieivq-ail bivq-ai thaq nail kovpavq bhai Miqyail maq oil kovq-ail. Aivq-i mail khul-ai thaq nail tsaol-aq bhai aivq maq noeq pov maq noeq phal-ail. ³⁰ Nuljuq iqmoeq-u phao Miqyail nail daoq maq naldaiq khi ngaol-aq, niil aq-il gaoqhaq gaiq-a nia nail pha q bhai ya-a nail ngaol. Khul khi mail dai ngal-aq neq, llsaqlaiqlal nail tsaol-aq maq naldaiq-a nail ngel-i mail ngaol. ³¹ Alhai dul dai, nuljuq Miqyail nail gaoqhaq gaiq-a nail pha q bhai ya-a nail ngel-i mail, aqyu juq iqsanl, Miqyail nail gaoqhaq gaiq-a nail pha q bhai ya nia nail haqbhoil, niil aq-il aqyu juq Miqyail nail daoq bhai maq naldaiq nail pha q pevq nail ngaol. ³² Khul khi mail dai ngal-aq neq, Miqyail tsaol-aq yaq iqsanl bhai aivq nail gaoqhaq gaiq-a nia nail pha q bivq movq nail ngel-i mail, aqyu juq iqsanl bhai, daoq maq naldaiq nail pha q nail kov-uvq bhai pheethaiq khi bhi jaol-a nail ngaol.

Miqyail bhai tsiqeeq heeq phaqaail tsaq nail ganl

³³ Miqyail nail nia deedee nail neenoeg neekha khi heeq nia nail neema khadai eeq khadai geel nail ngel-aail. Miqyail-i mail yalkhaq dal nail juq bhai teevq gaqaail maq noeq dov tsaol-aail. Aivq nail gailkhaol bhai teevq gaq gail maq moel nia-aail.

³⁴ Heeqphaq Miqyail nail neema bhai khaq sil gaq heeq nia nail-aig. Aivq bhai khaq sil gaq maoqbhaoq nl daiq-a nail-aig.

³⁵ Kovpavq gaoq bhi bivq lavq nail dai khi mail, khaq sil gaq Miqyail bhai kovpavq bivq daiq-a nail-aig.

³⁶ Khul khi mail dai ngal-aq neq, khal jaol khal jiav nail yaoq phaqa yaoq-aoo nee, aivq nee mail dov lee-a nail ngaol. Aivq bhaqda nee khal jaol khal jiav nail yaoq phaqa yaoq-aoo nee doevq lal jiav lal khi, aivq nail haqbhoil ngaol. Nqmaq maqluv halyeel aivq bhai tsiqeeq tsiqheel bhel. Aqmiq.

12

Khali yaq juq ya nl nail ganl

¹ Aqivq jacbheq juq-ol, Miqyail gaoqhaq gaiq-a nail phaqa bhaqda nee, ngal nuljuq bhai niailhai hal nail ngaol. Meeq nail haol nail laol bhiq nail

phaq khi mail, Miqyail neema tsaq nail aqdoevq doevq nail laol bhiq nail pha q bhi pevq lal nail haqbhoil, nuljuq nail aqmaol Miqyail bhai av bhiq yaoq. Alhai av bhiq nail pha q neq, nuljuq nl heeq pha q-ail tsaq nail uqhuq thaoq nail aol ngaol. ² Miltsaq yaq juq aqdoevq doevq nail khe-ai tha q doevq, neema aqsivq phal khi tsaol-aq aqsivq pevq lal yaoq. Alhai nl haq neq, Miqyail neema tsaq nail pha q bhai heeq nia lal khi tsel pav nia lal nail ngaol. Meeq nail pha q, bhee nail pha q khi mail, Miqyail neekhaol sil nail pha q bhai iqsanl, heeq nia lal nail ngaol.

³ Miqyail ngaq bhai bivq lavq-a nail geeqlaoq eeljaol bha qda nee, nuljuq nail lavqkhoel bhai jaol nail yaoq ga q yaoq-ao nee bhai ngal niailhai ge nail ngaol: Yovqgavq nail ganl saol-nvq heeq pha q-ail tsaq nail nee ovqtavq al jaiq tha q saol-nvq jaiq. Miqyail teevq ga q nee teevq ga q bhai neema tha qtsaol nail pha q bhoil bhiq-ai tha q nail khe-ai, yovqgavq nail ganl saol-nvq heeq pha q-ail tsaq nail pha q bhai taivq-ail saol-nvq yaoq. ⁴ Khul khi mail dai ngal-aq neq, aqmaol teevq maol bhai alsail maodai covq nail ngaol. Al juq ganl nl nail maq dul lai-ail. ⁵ Alhai dul dai, ngadao tsaol-aq mao khi ngaol-aoq, Khali nail lavqkhoel bhai aqmaol teevq maol teevq-eel ngaol. Ngadao teevq ga q nee teevq ga q, aqmaol al nail lavqkhoel bhai covq cavq-ai tha q nail ngaol. ⁶ Miqyail ngadao bhai geeqlaoq eeljaol bivq lavq-a nail khe-ai, ngadao-i mail ya-ai tha q nail kovpavq juq maq dul lai-ail. Miqyail nail haqbhoil gedan nail kovpavq ya-a nail ngel haq neq, neema tha qtsaol nail pha q ga q kav nail khe-

ai, gedan yaoq. ⁷ Tsojao-ai nail gaq jiovq nail kovpavq ya-a nail ngel haq neq, tsojao-ai bhiq yaoq. Cavq bhiq cov bhiq nail gaq jiovq nail kovpavq ya-a nail ngel haq neq, cavq bhiq cov bhiq yaoq. ⁸ Yu bhai gaq bivq nail kovpavq ya-a nail ngel haq neq, yu bhai gaq bivq yaoq. Yu bhai danq bhiq bhoil bhiq nail kovpavq ya-a nail ngel haq neq, maodai danq bhiq bhoil bhiq yaoq. Aqivq jiovq nail kovpavq ya-a nail ngel haq neq, laijai khi jiovq yaoq. Yu bhai gaoqhaq gaiq-a khi tsojao-ai bhiq nail kovpavq ya-a nail ngel haq neq, lavqkhiq tsail nail lavqkhoel nee tsojao-ai bhiq yaoq.

⁹ Goil nail gaiq-a nail pha q neq, maldil neema lavqkhoel nee gaiq-a nail pha q bhi pevq yaoq. Hageiv nail pha q bhai bhe khi, aqmeeq pha q bhai neq, aqmeeq-ai nieivq thaiq-ai tha q yaoq.

¹⁰ Aqivq jaqbheq nail gaiqlaq bhai gaiq-a nail khe-ai, teevq gaq nee teevq gaq gaiq-a yaoq. Teevq gaq nee teevq gaq ev nail lavqkhoel, yu bhai tha qeeq nail laijai yaoq. ¹¹ Aqdoil ma q doil dai, laijai yaoq. Neema kev khi Miqyail nail ganl nl deede yaoq. ¹² Noeqthunq nail lavqkhoel lavqkhiq tsail yaoq. Haq nail aq nail pha q ya daq-u phao, ol yaoq. Gaq ma q bha q dai, kha q ma o iqsanl geeqlaoq hal yaoq. ¹³ Miqyail nail tsaol-aq juq loq nail khe-ai, aqyu juq bhai danq bhiq bhoil bhiq yaoq. Daq-i bhai aqmeeq mee q dai, hav bhiq yaoq.

¹⁴ Nuljuq bhai khoeq lal jiovq lal nail tsaol-aq juq bhai, geeqlaoq bivq yaoq. Iqkhail tha q yavq bhiq. Geeqlaoq taivq-ail bivq yaoq. ¹⁵ Lavqkhiq tsail nail tsaol-aq nee mail lavqkhiq tsa o tsail

bhiq yaoq. Nioil nail tsaol-aq nee mail nioil tsaol
 bhiq yaoq. ¹⁶ Teevq gaq nee teevq gaq tsaq lai
 jil lai nail neema aol yaoq. Eeq movq heel movq
 nail neema thaq aol. Maivphaoq nal moel maq
 jiav nail tsaol-aq juq nee iqsanl aqtsaoq tsaol
 yaoq. Ngal neq, neenoeq neekha aol naol dai,
 yovqgavq bhai yovqgavq thaq noeq.

¹⁷ Yu aqdoil pha q nl lal khi ngaol-aq, aqdoil
 pha q teevq gaq bhai iqsanl tha q nl kovq bhiq.
 Tsaol-aq iqsanl nail sivtavq bhai aqmeeq pha q
 taivq-ail nl naol dai, noeq cov-ai tha q khi nl yaoq.

¹⁸ Nuljuq khal khi kivq nail khe-ai, tsaol-aq iqsanl
 bhai tsaq lai jil lai kivq dai, aqdoevq doevq yaoq.

¹⁹ Ngal mailma-ail gaiq-a nail aqtsaoq juq-ol. Yu
 nuljuq bhai nl laiq lavq-u phao, nuljuq tha q nl
 kovq bhiq. Miqyail nl kovq bhiq nail haqbhoil
 bhi jiav yaoq. Khul khi mail dai ngal-aq neq,
 Jalli q lavqkhoel bhai gevq-ai tha q nail khe-ai:

“Heeqphaq Miqyail ge nail:

‘Nl kovq bhiq nail
 pha q neq,
 ngaq nail ganl ngaol.
 Ngal yalkhaq dal
 bhiq nail ngaol’ dai,
 ge-ai tha q nail ngaol”.

²⁰ Alheel ngel-i mail,
 “Naoq bhai neejiav
 jiav nail gaq
 aoq moevq haq neq,
 bhi jaq yaoq.
 Ulcuvq moevq haq neq,
 ulcuvq bhi daol yaoq.
 Alhai nl bhiq haq neq,

aivq ya haqsil
 deedee khi
 noeq pov lal dai,
 nl bhiq nail khe-ai,
 dul nail ngaol" dai iqsanl,
 gevq-ai thaq nail ngaol.

²¹ Haqev nail pha-q-i mail nuljuq bhai thaq bhi gaq lal. Aqmeeq pha-q bhai juq juq-ail, haqev nail pha-q bhai bhi gaq lai yaoq.

13

Uvthaiq nail yovkav juq nail kov-uvq bhai jaol nail ganl

¹ Tsaol-aq yaoq gaq yaoq-ao nee mail uvthaiq nail yovkav juq nail kov-uvq bhai aqmeeq-ai jaol yaoq. Khul khi mail dai ngal-aq, Miqyail maq bivq haq neq, uvthaiq nail bhaqaoq maq jia-v-nia-ail. Aqyu juq nail bhaqaoq neq, Miqyail-i mail bhi jia-v-a nail ngaol. ² Alheel ngel-i mail, uvthaiq nail yovkav bhai lav tsoiq nail tsaol-aq, Miqyail-i mail nl-ai thaq nail pha-q bhai lav tsoiq nail tsaol-aq ngaol. Lav tsoiq nail tsaol-aq neq, yalkhaq dal nail bhai ya daq nail ngaol. ³ Aqmeeq pha-q nl nail tsaol-aq neq, uvthaiq nail yovkav juq bhai geesil duq maq jia-v-ail. Maq meeq nail pha-q nl nail tsaol-aq neq, geesil duq jia-v nail ngaol. Uvthaiq nail yovkav juq bhai geesil duq maq jia-v nail tsaol-aq pevq movq-ail lai-q. Pevq movq haq neq, aqmeeq pha-q nl yaoq. Nl haq neq, aqyu juq naoq bhai neema tsaq nail ngaol. ⁴ Naol aqmeeq pha-q ya nia dai, Miqyail aqyu juq bhai khul-ai thaq nail ngaol. Thailhai ngaol-aoq, naol haqev

nail phaḡ nl haḡ neḡ, geesil yaoḡ. Khul khi mail dai ngal-aḡ neḡ, aḡyu juḡ thaoma aḡnieivḡ-ail haḡ-nvḡ thaḡ nail maḡ ngel-ail. Haḡeiv nail phaḡ khal nl nail tsaol-aḡ bhai yalkhaḡ dal nail dai khi, Miḡyail-i mail aḡyu juḡ bhai khoel-ai thaḡ nail ngaol. ⁵ Alheel ngel-i mail, uvthaiḡ nail yovkav juḡ nail kov-uvḡ bhai aḡmeeḡ-ai jaol yaoḡ. Thailhai ngaol-aḡ, yalkhaḡ dal nail phaḡ bhai geesil nail ngel-i mail taivḡ-ail jaol nail phaḡ thaḡ bhi pevḡ. Yovḡḡavḡ bhai yovḡḡavḡ heeḡ kivḡ khi, nuljuḡ nail neema iqsanl neesal-ovḡ dai, aḡmeeḡ-ai jaol yaoḡ. ⁶ Al bhaḡda nee, nuljuḡ khaon ya dov bhiḡ nail ngaol. Khul khi mail dai ngal-aḡ, aḡyu juḡ yovḡḡavḡ nail ganl nl-a nail al neḡ, Miḡyail nail haḡbhoil nl-a nail phaḡ pevḡ nail ngaol. ⁷ Alheel ngel-i mail, aḡyu juḡ yaoḡ ḡaḡ yaoḡ-ao nee bhai teevḡ ḡaḡ nee teevḡ ḡaḡ bhai geel-nvḡ nail khe-ai, bivḡ heeḡ phaḡ-ail tsaḡ nail juḡ bhai bivḡ yaoḡ. Khaon tavḡ nail tsaol-aḡ juḡ bhai khaon tavḡ bhiḡ yaoḡ. Ev heeḡ phaḡ-ail tsaḡ nail tsaol-aḡ juḡ bhai ev bhiḡ yaoḡ. Thaḡeeḡ thaḡheel heeḡ phaḡ-ail tsaḡ nail tsaol-aḡ juḡ bhai, thaḡeeḡ thaḡheel bhiḡ yaoḡ.

Teevḡ ḡaḡ nee teevḡ ḡaḡ ḡaiḡ-a nail ganl

⁸ Teevḡ ḡaḡ nee teevḡ ḡaḡ ḡaiḡ-a nail ḡailjiov maḡ ngel haḡ neḡ, naoḡ nail kovtavḡ bhai ḡailjiov teevḡ phaḡ-ail thaḡ bhi bavḡ. Khul khi mail dai ngal-aḡ, aḡjail bhai jaol nail tsaol-aḡ bhai ḡaiḡ-a nail juḡ neḡ, aoldaoḡ kovḡdaoḡ bhai nl bhee-a nail tsaol-aḡ khe-ai, dul nail ngaol.

⁹ “Yu nail miḡyaḡ khaḡma bhai thaḡ bheeḡ thaḡ leel. Yu bhai thaḡ lav heivḡ. Yu nail

nlmaoq thaq khoiq. Yu nail nlmaoq bhai maivjeel thaq jeel” dai, ge-ai thaq nail aoldaoq kovqdaoq bhai maqkhaiq, bivq-ai thaq nail daoq yaoq daoq yaoq juq iqsanl mail, “Naoq nail aqmaol bhai gaiq-a nail khe-ai, naoq nail aqjail bhai jaol nail tsaol-aq bhai gaiq-a yaoq” dai, ge-ai thaq nail daoq al daoq nail lavqkhoel bhai aol gil nail ngaol.

¹⁰ Yu bhai gaiq-a nail neema aol haq neq, maq meeq nail phaqaq maq nl bhiq-ail. Alheel ngel-i mail, gaiq-a nail phaqaq neq, aoldaoq kovqdaoq bhai nl bhee-a nail ngaol.

¹¹ Al ovqtavq, yangq niil yangq neq, iqnoeq noeq lal nail yangq nial dai, nuljuq heeq nia nail ngaol. Khul khi mail dai ngal-aq neq, ngadao iqmoeq ilmoeq neema thaqtsaol lal-u nee maqtsil, niil aq-il ngadao bhai hevqkovq nail phaqaq aqjail jail lee-aog nail ngaol. ¹² Ngkiv lima nail yangq jel-ail khi, nqbhaq bhaq lal nail yangq kev lal-aiq naol. Alheel ngel-i mail, aqnav phaqaq bhai tavq nail nl nail hal nail phaqaq bhai khaonq ha khi, aqbhaq bhai tavq nail phaqaq bhai nl bhel. ¹³ N-gaol phao nl heeq phaqaq-ail tsaq nail phaqaq bhai nl bhel. Maq tsaq maq daol nail phaqaq bhai bhaoqaiq lav sav khi jilpheeqaq daol bov nail phaqaq thaqaq nl. Yu nail khaqma bhai bheeqaq nail leel nail phaqaq khi mail khaqmiq sev nail phaqaq thaqaq nl. Yu nee mail iqdaiq iqtsai thaqaq dov. Yu bhai maivjeel thaqaq jeel. ¹⁴ Aqgaq aqdoi doi nail khe-ai, Heeqphaqaq Yeiqsul Khali bhai doi yaoq. Aqsiqvq haqjoil nail neenoqaq neelov haoqnao tsaothe naol dai, teevq phaqaq-ail thaqaq lainq.

14

Khali yaq nail gaiqlaq bhai oeqbal thaq halpov

¹ Neema thaqtsaol nail phaḡ gaḡ bhaḡ nail tsaol-aḡ juḡ bhai hav bhig yaoḡ. Thailhai ngaol-aḡ, maḡ dul lai nail aol juḡ nail ganl bhai jil pheel jil lul jaḡ nail dai khi, hav nail phaḡ thaḡ bhi pevḡ. ² Neema thaqtsaol nail tsaol-aḡ teevḡ pav ganav juḡ neḡ, “Ngal yaoḡ phaḡ yaoḡ-ao nee jaḡ kivḡ nail ngaol” dai, noeḡ nail ngaol. Thailhai ngaol-aḡ, neema thaqtsaol nail phaḡ gaḡ bhaḡ nail tsaol-aḡ juḡ neḡ, jaltsoiq aḡpavḡ taivḡ-ail jaḡ nail ngaol. ³ Yaoḡ phaḡ yaoḡ-ao nee jaḡ nail tsaol-aḡ, yaoḡ phaḡ yaoḡ-ao nee maḡ jaḡ nail tsaol-aḡ juḡ bhai maḡ ya thaḡtheḡ-ail. Yaoḡ phaḡ yaoḡ-ao nee maḡ jaḡ nail tsaol-aḡ iqsanl, jaḡ nail tsaol-aḡ juḡ bhai oeḡbal maḡ ya thaḡ-ail. Khul khi mail dai ngal-aḡ neḡ, Miḡyail aḡyu juḡ bhai hav bhoel-ai thaḡ nail ngaol. ⁴ Yu nail yaḡkav bhai oeḡbal thaḡ nail gaḡ-ol. Naol neḡ, khalheel nail tsaol-aḡ pevḡ nail-aiḡ. Aivḡ bhai bhi jaol nail maḡkhaiḡ, the ha nail maḡkhaiḡ, aivḡ nail ilheel gaḡ pevḡ nail Miḡyail bhai jiaḡ nail ngaol. Aivḡ nail ilheel gaḡ neḡ, aivḡ bhai bhi jaol nail ngaol. Khul khi mail dai ngal-aḡ neḡ, aivḡ jaol nia dai nl nia nail bhaḡaoḡ Miḡyail jiaḡ nail ngaol.

⁵ Tsaol-aḡ teevḡ gaḡ ganav neḡ, aḡn niil n neḡ, aḡn yaoḡ n yaoḡ nee maḡtsil meeḡ jaiḡ nail ngaol dai, thaḡeeḡ nail ngaol. Tsaol-aḡ teevḡ gaḡ ganav neḡ, yaoḡ n yaoḡ n nee teevḡ gaḡ kheel ngaol dai, noeḡ nail ngaol. Khul gaḡ maḡkhaiḡ, yovḡgavḡ nail neema lavḡkhoel bhai tsaḡ naol

dai, noe qceiv-ai tha q nail pha q bhai ivqdao dai, nieivq thai q-ai tha q yao q. ⁶ Aqn teevq n ganav bhai tha qeeq nail tsaol-aq, Heeqphaq Yeiqsul bhai noe q kev khi tha qeeq nail ngaol. Yao q pha q yao q-ao nee ja q nail tsaol-aq iqsanl, Yeiqsul bhai noe q kev khi ja q nail ngaol. Khul khi mail dai ngal-aq neq, aqyu juq Miqyail bhai tsiqeeq khi ja q nail ngaol. Yao q pha q yao q-ao nee ma q ja q nail tsaol-aq iqsanl, Yeiqsul bhai noe q kev nail ngel-i mail ma q ja q dai, Miqyail bhai tsiqeeq nail ngaol. ⁷ Ngadao yao q ga q yao q-ao nee, yovqgavq nail haqbhoil yovqgavq doevq nail ma q ngel. Yovqgavq nail haqbhoil yovqgavq sil nail ma q ngel. ⁸ Ngadao doevq nail neq, Yeiqsul nail haqbhoil ngaol. Ngadao sil khi ngaol-aq, Yeiqsul nail haqbhoil ngaol. Alheel ngel-i mail, doevq nail ma qkhaiq, sil nail ma qkhaiq, ngadao aivq nail tsaol-aq ngaol.

⁹ Khul khi mail dai ngal-aq neq, sil nail tsaol-aq bhai iqsanl, doevq nail tsaol-aq bhai iqsanl Heeqphaq jiovq nail dai khi, Khali khanq sil khi ga oq doevq kovq lal-a nail ngaol. ¹⁰ Alheel ngel-i mail, naol khul khi mail na oq nail aqivq jaqbheq juq bhai oeqbal ga oq tha q nail-aiq. Khul khi mail na oq nail aqivq jaqbheq juq bhai ga oq tha qtheq nail-aiq. Ngadao iqsanl mail, Miqyail yalkhaq dal nail doiqbev bev ma nail sivtavq bhai ya kev lai nail ngaol. ¹¹ Jalliq lavqkhoel bhai gevq-ai tha q nail khe-ai,

“Heeqphaq Miqyail

ge nail:

‘Ngal neq,

maldil aqdoevq

doevq nail Miqyail
 pevq nail khe-ai,
 tsaol-aq yaq
 yaoq gaq yaoq-ao
 nee mail,
 ngaq nail sivtavq bhai
 peevqceevq kovdoiq
 ya doiq khi,
 moeqthaoq yaoq thaoq
 yaoq-ao nee mail
 ngaq bhai ya
 tsiq eeq nail ngaol' " dai,
 gevq-ai thaq nail ngaol.

¹² Ngadao yaoq gaq yaoq-ao nee mail,
 yovqgavq-i mail khal nl khal hal-a nail ganl,
 yovqgavq Miqyail bhai ya ge dov gil bhiq nail
 ngaol.

Khali yaq nail gaiqlaq bhai tsuq-ail dai, thaq nl

¹³ Alheel ngel-i mail, ngadao teevq gaq nee
 teevq gaq oeqbal thaq nail phaqq bhai khaonq
 ha bhel. Yovqgavq nail aqivq jaqbheq phaqqthiq
 thiq khi oeqbal nail lavqkhoel bhai bhi laiq
 bhi tsa-ail dai, teevq phaqq-ail maq nl yaoq-
 aol dai, noeqcceiv nail, meeqq jaiqq nail ngaol.

¹⁴ Jaqq nail khul phaqq maqqkhaiqq, aivqq bhai aivqq
 aqqjiivqq aqqcavqq teevqq phaqq-ail maqq jiav-ail dai,
 Heeqphaqq Yeiqsul bhaqqda nee ngal heeq kivqq
 khi neema thaqqtsaol nail ngaol. Thailhai ngaol-
 aqq, al phaqq niil phaqq neqq, aqqjiivqq aqqcavqq ngaol
 dai, teevqq gaqq ganav saol-nvqq haqq neqq, aivqq nail
 haqqbhoil neqq, aqqjiivqq aqqcavqq ngaol. ¹⁵ Naoqq-
 i mail jaqq daol-a nail bhaqqda nee, naoqq nail

aqivq jaqbheq ya noeqhaq haq neq, naol goil nail gaiq-a nail lavqkhoel bhai doevq nail maq ngel-ail. Naol jaq nail daol nail bhaqda nee, naoq nail aqivq jaqbheq bhai thaq lav cov. Aivq nail haqbhoil iqsanl, Khali khanq sil-a nail ngaol. ¹⁶ Naoq nail haqbhoil aqmeeq pha q bhai, yu ge duq tha q bhi jia v. ¹⁷ Khul khi mail dai ngal-aq, Miqyail Milkhaoq neq, jaq nail daol nail pha q pevq nail maq ngel-ail. Miqyail Milkhaoq neq, Meeqnail Haolnail Aqhaqlal bhaqda nee, tsa q nail daol nail pha q, neesal-ovq nail pha q khi mail lavqkhiq tsail nail pha q pevq nail ngaol. ¹⁸ Khali nail haqbhoil alhai nl nail tsaol-aq bhai Miqyail neekhaol sil khi, tsaol-aq iqsanl, aivq bhai neema tsa q nail ngaol.

¹⁹ Alheel ngel-i mail, kha q mao iqsanl tsa q lai jil lai dai, nl bhel. Eeq lal heel lal dai iqsanl, teevq ga q nee teevq ga q tsa oja o-ai bhel. ²⁰ Ja q nail daol nail pha q bha qda nee Miqyail nail ganl bhai tha q lav cov. Ja q nail daol nail pha q neq, iqsanl mail aqhaol ngaol. Thailhai ngaol-a oq, tsaol-aq teevq ga q teevq pha q ganav ja q nail bha qda nee, yu laiq-ail tsa-ail ha q neq, ja q nail al ga q nl laiq-a nail ngaol. ²¹ Haqjoil ja q nail maqkhaiq, aqheeq tsilju nail ullul daol nail maqkhaiq, khul pha q nl khi ngaol-a oq, naoq nail aqivq jaqbheq bhai bhi laiq bhi tsa-ail ha q neq, teevq pha q-ail nl nail maq tsa q ail.

²² Naol neema tha qtsaol nail pha q, Miqyail khi mail naoq nail gaiqla q bhai taivq-ail bhi jia v yaoq. Tsa q-ail nial dai, noe q khi, yovqgavq-i mail nl nail hal nail pha q, yovqgavq nail kovtavq bhai oeqbal maq tha q lal ha q neq, lavqkhiq tsail

nail ngaol. ²³ Thailhai ngaol-aoq, yovqgavq jaq nail pha q bhai yovqgavq nail neema lavqkhoel bhai maq haol haq neq, neema thaqtsaol nail lavqkhoel nee nl-a nail maq ngel nail ngel-i mail, Miqyail yalkhaq dal nail bhai ya daq nail ngaol. Neema thaqtsaol nail pha q maq aol dai, khal nl khal hal nail pha q neq, iqsanl mail oeqbal ngaol.

15

Yu nail haqbhoil meeq dai nl yaoq

¹ Ngadao gaq kav nail juq, yovqgavq nail neekhaol sil dai taivq-ail maq nl mail, gaq bha q nail tsaol-aq nail gaq bha q nail pha q bhai ol bhiq nail tsaq nail ngaol. ² Ngadao nail aqjail bhai jaol nail juq meeq lal jaq lal, eeq lal heel lal dai, ngadao yaoq gaq yaoq-ao nee noeq kev nail tsaq nail ngaol. ³ Khul khi mail dai ngal-aq neq, Khali iqsanl, aivq nail neekhaol sil dai taivq-ail maq nl-al. Jalliq lavqkhoel bhai gevq-ai tha q nail khe-ai, “Naoq bhai khal ge movq-ail ge nail juq, aqyu juq-i mail khal ge movq-ail ge nail daoq al, ngal iqsanl ya daq-a nail ngaol” dai, gevq-ai tha q nail ngaol. ⁴ Milnee uqnee khe khal gevq-ai tha q nail juq, ngadao bhai cavq lavq cov lavq nail dai khi, gevq-ai tha q nail ngaol. Ngadao oltsaol nail bhai maqkhaiq, Jalliq lavqkhoel khe gaq bhiq lavq-a nail pha q ya nail bhai maqkhaiq, noe qthunq nail pha q ya nail ngaol.

⁵ Yeiqsul Khali neema tsaq nail khe-ai, nuljuq teevq gaq nee teevq gaq neema teevq dao bhai tavq lai dai, Miqyail nuljuq bhai hevq daiq bhiq dei-eiq. Aivq neq, oltsaol khi gaq bivq lavq nail

Miqyail ngaol. ⁶ Alhai hevqdaiq lavq-a nail neq, nuljuq neema teevq dao bhai tavq khi ngadao nail Heeqphaq Yeiqsul Khali nail Aqbhu Miqyail bhai teevq gaq khe-ai, tsiqeeq nia nail haqbhoil ngaol.

Yu nail jeq-e jaq-a bhai lavqkhiq tsail nail geeqlaoq daoq cavq bhiq ail-a nail ganl

⁷ Khali nuljuq bhai hav bhoel-a nail khe-ai, nuljuq teevq gaq nee teevq gaq hav bhoel yaoq. Hav bhoel haq neq, Miqyail nail seiqleiq khaoqsail dov lal nail ngaol. ⁸ Miqyail-i mail ge-ai thaq nail juq, maldil tsaq nail ngaol dai, dov lal dai, Yuldav nail tsaol-aq juq nail haqbhoil Khali neq, yaqkav jiovq lee-a nail ngaol dai, ngal ge nail ngaol. Milnee uqnee Miqyail-i mail aqmil dov nail aqphiq aqbhal bhai ge bhiq-a nail saljial al juq bhai, aivq bhi bhee lal-a nail ngaol. ⁹ Al ovqtavq, Miqyail gaoq haq gaiq-a nail ngel-i mail, yu nail jeq-e jaq-a aivq bhai bhi tsiqeeq nail dai, Khali nl lee-a nail ngaol. Jalliq lavqkhoel bhai gevq-ai thaq nail khe-ai,

“Alheel ngel-i mail,

yu nail jeq-e

jaq-a nail lavqkhoel

ngal naoq bhai

tsiqeeq khi,

naoq nail aqmil bhai

aqthel gul gul-ail

tsiqeeq naol” dai,

gevq-ai thaq nail ngaol. ¹⁰ Teevq pov gaoq ge nail:

“Yu nail jeq-e jaq-a juq-ol,

aivq nail tsaol-aq nee mail
teevq gaq khe-ai
lavqkhiq tsail yaoq” dai,

gevq-ai thaq nail ngaol. ¹¹ Teevq pov gaoq ge-ai
haq nail:

“Yu nail jeq-e jaq-a
iqsanl mail
Heeqphaq Miqyail bhai
tsiq eeq yaoq.
Miltsaq yaq iqsanl mail
aivq bhai tsiq
eeq dei-eiq” dai,

gevq-ai thaq nail ngaol. ¹² Ilsaqyal iqsanl gaoq
ge nail:

“Yeiqsail * nail
daoqtsail bhai
bhoenaiq naiq
lal nail ngaol.
Yu nail jeq-e jaq-a bhai
uvthaiq nail dai khi,
aivq doevq
lee nail ngaol.
Yu nail jeq-e jaq-a
aivq nail lavqkhoel
noeqthunq duq
ya lal nail ngaol” dai,

gevq-ai thaq nail ngaol.

¹³ Noeqthunq nail pha q bivq lavq-a nail
Miqyail neq, nuljuq neema thaqtsaol nail
lavqkhoel lavqkhiq tsail nail pha khi neesal-
ovq nail yaoq pha yaoq-ao nee bhi bhee lal

* **15:12** Yeiqsail neq, Daqbhil nail aqbhu ngaol.

dei-eiq. Alhai bhi bhee lal nail neq, Meeqnail Haolnail Aqhaqlal nail bhaqaoq bhaqda nee, nuljuq noeqthunq nail lavqkhoel bhai bhi bhee lal nail haqbhoil ngaol.

Paolluv-i mail daoq cavq cavq nail ganl

¹⁴ Ngaq nail aqivq jaqbheq juq-ol, nuljuq aqmeeq pha q teevq bhee aol nail tsaol-aq ngaol dai, ngal neema thaqtsaol naol. Nuljuq neq, neenoeq neekha yaoq pha q yaoq-ao nee heeq nia nail tsaol-aq khi teevq gaq nee teevq gaq cavq bhiq cov bhiq nia nail tsaol-aq ngaol dai iqsanl, ngal neema thaqtsaol nail ngaol. ¹⁵ Thailhai ngaol-aq, ngal daolcoev dai, nuljuq jaol nail bha haogqavq niil gevq bhoel-ai lavq-a nail ngaol. Ganl teevq pav ganav juq nuljuq bhai gaoq cavq pov bhiq nail ngaol. Khul khi mail ngal alhai ge nail dai ngal-aq neq, Miqyail aivq nail geeqlaoq eeljaol bhaqda nee, ngaq bhai khul lavq-a nail ngaol. ¹⁶ Yu nail jeq-e jaq-a nail haqbhoil Yeiqsul Khali nail yaqkav bhi jiovq nail dai khi, khul lavq-a nail ngaol. Miqyail nail lavqkhiq tsail nail geeqlaoq daoq cavq bhiq nail Philma bhi jiovq nail dai khi iqsanl, khul lavq-a nail ngaol. Alhai bhiq jiovq lavq nail neq, jeq-e jaq-a iqsanl mail, Meeqnail Haolnail Aqhaqlal-i mail bhi meeq bhi haol lal-a nail, Miqyail neema tsaq nail laol bhiq nail pha q bhi pevq lal nail haqbhoil ngaol.

¹⁷ Alheel ngel-i mail, Miqyail nail ganl nl nail lavqkhoel, Yeiqsul Khali bhaqda nee ngal neema eeq duq jia v nail ngaol. ¹⁸⁻¹⁹ Khul khi mail dai ngal-aq neq, yu nail jeq-e jaq-a naldaiq nia lal dai, Khali ngaq bhai juq khi nl-a hal-a nail juq

taivq-ail ngal maldil dai, ge nail ngaol. Aqyu juq naldaiq nia lal dai, daoq ge nail lavqkhoel nee maqkhaiq, ganl nl nail lavqkhoel nee maqkhaiq, bhiq heeq bhiq moel nail pha q khi noeq-u maq dov nail pha q nail lavqkhoel nee maqkhaiq, Miqyail nail Aqhaqlal nail bha qaoq lavqkhoel nee ngal nl-a nail ngaol. Alheel ngel-i mail, ngal Yeiqlulsaqlaiq meenq nee mail Illulli milkhaoq bhai kev dai, doi doi dai, Khali nail ganl lavqkhiq tsail nail geeqlaoq daoq aqmeeq-ai cavq bhiq-a nail ngaol. ²⁰ Ngal yu-i mail iqmoeq ilmoeq kaovq-ai tha q nail ilkhaol nee maq kaovq dal lai q dai, Khali nail aqmil bhai maq ya gai q dai q-a nail tsaol-a q juq jaol nail bhai taivq-ail, lavqkhiq tsail nail geeqlaoq daoq cavq bhiq ail naol dai, noeqceiv-ai tha q nail ngaol. ²¹ Jalli q lavqkhoel bhai gevq-ai tha q nail khe-ai,

“Aivq nail ganl
 yu maq cavq bhiq daiq
 khi ngaol-a oq,
 aqyu juq ya
 moel nail ngaol.
 Aivq nail ganl
 maq ya gai q dai q
 khi ngaol-a oq,
 aqyu juq ya heeq
 nia nail ngaol” dai,
 gevq-ai tha q nail ngaol.

Paolluv Lolmav meenq bha q lai naol dai, noeq-ai tha q nail ganl

²² Ganl al bhaqda nee, ngal nuljuq jaol nail bha maq ya lal-al. ²³ Thailhai ngaol-aog, niil aq-il milkhaoq niil juq nail lavqkhoel bhai ganl nl duq maq jiav-aog nail ngaol. Al ovqtavq, ngal nuljuq jaol nail bha lal movq nail meeq nia kovq bhee lal-aog nail ngaol. ²⁴ Alheel ngel-i mail, ngal Saqbheiq milkhaoq bhai lai-u phao, nuljuq jaol nail bha iqsanl nalga lal naol dai, noeq nail ngaol. Aq-u phao, nuljuq nee teevq yanq jaol khi jaq tavq daol tavq nail lavqkhoel nee gaq oil gaq haq neq, nuljuq-i mail ngaq bhai tsaojao-ai lavq khi Saqbheiq milkhaoq bhai hevq ha-ail lavq dai iqsanl, ngal noeqthunq nail ngaol. ²⁵ Thailhai ngaol-aog, niil aq-il Yeiglulsaqlaiq meenq bha jaol nail Miqyail nail tsaol-aq bhai ngal phul iqmoeq bivq-ai lavq nail ngaol. ²⁶ Khul khi mail dai ngal-aq neq, Maqgeiqdaolnil milkhaoq khi Aqgaqyal milkhaoq bhai jaol nail Khali yaq munl, Yeiglulsaqlaiq meenq bha jaol nail haq nail aog nail Miqyail nail tsaol-aq juq bhai bivq nail dai khi, aqyu juq neema tsaq nail lavqkhoel nee, phul danq lavq-a nail ngaol. ²⁷ Aqyu juq-i mail neema tsaq nail lavqkhoel nee danq lavq-a nail phul al juq neq, gailjiov khaoq nail teevq pha q ngaol. Khul khi mail dai ngal-aq neq, aqhaqlal phao Yuldav nail tsaol-aq nail geeqlaoq bhai yu nail jeq-e jaq-a ya-a nail ngaol. Alheel ngel-i mail, aqsivq haqjoil phaoq khe nlmaoq juq Yuldav nail tsaol-aq bhai danq bhiq nail tsaq nail ngaol. ²⁸ Ngal alhai nl ail khi, aqyu juq bhai danq-ai lavq-a nail niil juq av bhiq-ail ceevq haq neq, Saqbheiq milkhaoq bha lai nail pha thao-ail, nuljuq jaol nail bha lal naol. ²⁹ Ngal nuljuq

jaol nail bha lal-u phao, Khali nail geeqlaoq teevq bhee aol nail lavqkhoel nee ngal lal naol dai, heeq kivq naol.

³⁰ Aqivq jaqbheq juq-ol, ngadao nail Heeqphaq Yeiqsul Khali bhaqda nee maqkhaiq, Aqhaqlal Miqyail nail goil nail gaiq-a nail pha q bhaqda nee maqkhaiq, ngal nuljuq bhai niailhai hal nail ngaol. Ngaq nail haqbhoil Miqyail bhai geeqlaoq hal tsao deede lavq yaoq. ³¹ Yuldav milkhaoq lavqkhoel khe Khali bhai neema maq thaqtsaol nail tsaol-aq nail aqlavq lavqkhoel nee ngal ya jel-ail dai, geeqlaoq hal yaoq. Yeiqsulsaqlaiq meenq bha jaol nail Miqyail nail tsaol-aq, ngaq-i mail bivq lai-a nail phul al juq bhai neekhaol sil dai iqsanl, geeqlaoq hal yaoq. ³² Al ovqtavq, Miqyail neema tsaq haq neq, lavqkhiq teevq tsail nuljuq jaol nail bha lal kev khi, nuljuq nee ngal gaqnaq ya naq dai, ngaq-ai nee mail teevq gaq khe-ai, Miqyail bhai geeqlaoq hal tsao lavq yaoq dai, nuljuq bhai hal nail ngaol. ³³ Neesal bhi ovq nail Miqyail nuljuq iqsanl nee mail jaol dei-eiq. Aqmiq.

16

Goil nail gaiq-a nail daoq cavq gaiq lee-a nail ganl

¹ Geiqjeiq meenq bhai jaol nail, Khali yaq munl bhai tsaojao-ai nail gaq pevq nail ngadao nail nailma Philbheiq bhai, ngal nuljuq jaol nail bha bhi lal naol. ² Miqyail nail tsaol-aq nl heeq pha q-ail pevq nail khe-ai, nuljuq Yeiqsul nail maivphaoq bhai heldaiq khi aivq bhai hav

yaoq dei-eiq. Aivq khul phaq loq khi ngaol-aoq, tsaojao-ai bhiq yaoq. Khul khi mail dai ngal-aq neq, aivq tsaol-aq maodai gaq bhai tsaojao-ai bhiq nail nee ovqtavq, ngaq bhai iqsanl tsaojao-ai lavq-a nail ngaol.

³ Ngaq-ai nee mail Yeiqsul Khali nail ganl tsaonl nail Bhilgillav khi aivq nail yovjil Aqgullav bhai, ngal noeq moel naol geiq dai, cavq bhiq ail dei-eiq. ⁴ Ngal ya jel-ail dai, aqyu nvq maolyaq ngaq nail haqbhoil khanqsil tseq nail ngaol. Ngal taivq-ail aqyu nvq maolyaq bhai tsiq eeq nail maq ngel-ail. Yu nail jeq-e jaq-a pevq nail Khali yaq munl iqsanl, aqyu nvq maolyaq bhai tsiq eeq nail ngaol.

⁵ Aqyu nvq maolyaq nail ilkhaol bhai jil lai nail Khali yaq munl juq bhai iqsanl, ngal noeq moel naol geiq dai, cavq bhiq-ail dei-eiq. Aqsil-aq milkhaoq lavqkhoel khe iqmoeq ilmoeq Khali yaq pevq lal-a nail, ngal mao-ail gaiq-a nail Ilbhailnail bhai iqsanl, ngal noeq moel naol geiq dai, cavq bhiq-ail dei-eiq.

⁶ Nuljuq nail haqbhoil ganl nl deedee nail Maqlil bhai iqsanl, ngal noeq moel naol geiq dai, cavq bhiq ail dei-eiq.

⁷ Ngaq-ai nee mail thaonq bhai aol-a nail ngaq nail jeq-e jaq-a Aqdaolniv khi Yulniv bhai iqsanl, ngal noeq moel naol geiq dai, cavq bhiq ail dei-eiq. Aqyu nvq gaq neq, gaqkhoel juq nail lavqkhoel aqmil dov nail tsaol-aq ngaol. Ngal Khali yaq maq pevq lal-u nee mail, aqyu nvq gaq Khali yaq pevq lal-a nail ngaol.

⁸ Yeiqsul nail lavqkhoel ngal mao-ail gaiq-a nail Aqhbhaqlil bhai iqsanl, ngal noe q moel naol geiq dai, cavq bhiq-ail dei-eiq.

⁹ Ngaq-ai nee mail Khali nail ganl tsao nl nail Ullaqbhaq khi, ngal mao-ail gaiq-a nail Saqdaqkhul bhai iqsanl, ngal noe q moel naol geiq dai, cavq bhiq ail dei-eiq.

¹⁰ Khali nail haqbhoil mee nia pha q laonqdaiq nail pha q bhai ga q lai-a nail Aqbheiqleil khi Aqlildaolbhul nail miqsaol yovya q bhai iqsanl, ngal noe q moel naol geiq dai, cavq bhiq ail dei-eiq.

¹¹ Ngaq nail jeq-e jaq-a pevq nail Heiqoldil khi Yeiqsul nail lavqkhoel bhai jaol nail Naqqiqsul nail miqsaol yovya q bhai iqsanl, ngal noe q moel naol geiq dai, cavq bhiq ail dei-eiq.

¹² Miqyail nail haqbhoil laijai khi ganl nl nail ngaq nail nailma Daqlulphilnav khi Daqlulphaosav bhai maqkhaiq, Miqyail nail ganl bhai laijai deede e nail, ngal mao-ail gaiq-a nail nailma Bheiqlaqsil bhai maqkhaiq, ngal noe q moel naol geiq dai, cavq bhiq-ail dei-eiq.

¹³ Yeiqsul nail lavqkhoel bhai tsel dov-ai tha q nail Lulphul khi, ngaq nail aqma khe-ai saol-nvq-ai tha q nail aivq nail aqma bhai iqsanl, ngal noe q moel naol geiq dai, cavq bhiq-ail dei-eiq.

¹⁴ Aqsoqgaqleil, Phaqlaiqgoq, Heiqlaqmeiq, Bhallaolbhal, Heiqlaqmal khi aqyu juq nee mail jaol nail aqivq jaqbheq juq bhai, ngal noe q moel naol geiq dai, cavq bhiq ail dei-eiq.

¹⁵ Phillaollul, Yuliv, Neiqulul, Neiqulul nail nailma khi Aolloqphal bhai, ngal noe q moel naol geiq dai, cavq bhiq ail dei-eiq. Al ovqtavq, aqyu

juq nee mail jaol nail Khali yaq iqsanl bhai gail, ngal noeq moel naol dai gail cavq bhiq ail dei-eiq.

¹⁶ Nuljuq teevq gaq nee teevq gaq meeq nail haol nail lavqkhoel nee aqlavq he yaoq. Nvjuq nuljuq bhai noeq moel nail ngaol dai, Khali yaq munl iqsanl mail daoq cavq cavq bhoel-ai lavq-a nail ngaol.

¹⁷ Aqivq jaqbheq juq-ol, nuljuq-i mail ya saol-a nail ganl juq bhai maq tsaq maq dul lai nail daoq cavq lavq-a nail juq bhai yaolphaol yaoq. Aqyu juq neq, yu bhai bhi gaoq bhi gail ail khi, hevq bheeq nail ngel-i mail, aqyu juq bhai gail jao jao yaoq dai, ngal nuljuq bhai hal nail ngaol.

¹⁸ Alheel juq neq, ngadao nail Heeqphaq Khali nail haqbhoil ganl nl nail tsaol-aq maq ngel-ail. Yovqgavq nail ovqmav nail haqbhoil nl-ail teevq-eel ngaol. Aqyu juq neq, naldaiq meeq nail daoq khi tsiqeeq nail daoq bhai juq juq-ail khi, neema lavqkhoel aqmeeq aqhaol haol nail tsaol-aq bhai goiqbhaoq bhaoq khi mul ya nail ngaol.

¹⁹ Nuljuq Miqyail nail daoq naldaiq deedee nail ngaol dai, milkhaoq doi dai, gaiq doi ail-a nail ngel-i mail, ngal lavqkhiq tsail-ail nial. A dai nee maqtsil, nuljuq aqmeeq pha q bhai heeq nia khi, haqev nail pha q neema lavqkhoel bhai teevq peivq-ail maq aol dai, ngal oil movq-ail nial.

²⁰ Neesal bhi ovq nail Miqyail neq, mao-ail maq maoq lal mail nuljuq nail aqkhill pha qyal kov-uvq nee neivq Saqdaq bhai naoq peiv nail ngaol. Ngadao nail Heeqphaq Yeiqsul nail geeqlaoq eeljaol nuljuq nail kovtavq bhai jiav dei-eiq.

²¹ Ngaq-ai nee mail ganl nl thailthaiq nail Tilmolseiq khi, ngaq nail jeq-e jaq-a Lulgil,

Yaqsoq khi Saolsilphaqtav aqyu juq nuljuq bhai iqsanl noeq moel naol dai, daoq cavq cavq bhoel-ai lavq-a nail ngaol.

²² Ngal neq, Paolluv nail haqbhoil haoqgavq niil gevq thailthaiq nail Deiqlaqtal ngaol. Yeiqsul nail lavqkhoel nee ngal nuljuq bhai noeq moel naol dai, gevq bhoel-ai lavq-a nail ngaol.

²³ Ngaq bhai maqkhaiq, Khali yaq teevq munl munl laoq bhai maqkhaiq, hav khi bhi jaq bhi daol thailthaiq nail Gaqyul iqsanl, “Ngal nuljuq bhai noeq moel naol” dai, daoq cavq cavq bhoel-ai lavq-a nail ngaol. Meenq niil meenq nail phul bhai heldaiq phail nail Eillaqdul khi ngadao nail aqivq jaqbheq Gaoqthu iqsanl, nuljuq bhai noeq moel naol dai, daoq cavq cavq bhoel-ai lavq-a nail ngaol.

²⁴ Ngadao nail Heeqphaq Yeiqsul Khali nail geeqlaoq eeljaol nuljuq iqsanl nail kovtavq bhai bhi jiav dei-eiq.

Haoqnao naosaq khe Paolluv nail geeqlaoq hal daoq

²⁵ Miqyail bhai thaqeeq thaqheel bhel. Khul khi mail dai ngal-aq, aivq neq, ngal cavq nail lavqkhiq tsail nail geeqlaoq daoq khi Yeiqsul Khali nail ganl ngal daoq cavq cavq nail khe-ai, nuljuq bhai gaq bhi kav lal nail ngaol. Ngaq-i mail cavq nail cov nail geeqlaoq daoq niil neq, milnee uqnee nee daoqceevq oil tsail-ai thaq khi ngaol-aq, niil aq-il bhaqlaoq kheq dai, dov lal-a nail ngaol. ²⁶ Jeq-e jaq-a iqsanl mail neema thaqt-saol lal khi naldaiq nia lal dai, nqmaq maqluv halyeel doevq nail Miqyail-i mail daoq bivq-ai

thaq nail khe-ai, oiltsail-ai thaq nail al, niil aq-il phaodaiq lavq khi, Miqyail nail haqbhoil gedan nail juq nail haoqgavq bhaqda nee, oiltsail-ai thaq nail al bhai, tsaol-aq iqsanl mail ya heeq kivq khi ya moel-a nail ngaol. ²⁷ Miqyail aivq teevq gaq taivq-ail neenoeq neekha teevq bhee aol nail ngaol. Yeiqsul Khali bhaqda nee, nqmaq maqluv halyeel Miqyail bhai tsiqeeq tsiq heel bhel. Aqmiq.

Jalliq aqsivq Gaolkheel daoq
Akeu: Jalliq aqsivq Gaolkheel daoq New Testament
copyright © 2015 Wycliffe Bible Translators, Inc.

Language: Gaolkheel (Akeu)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022
aaaba9fd-8172-55cc-ad15-906f43ddb5a5